

تورکیا

بویوک ملت مجلسی

ضبط جریده سی

اوتوز یدنجی اجتماع

۱ مایس ۱۳۳۸ بازار ایتسی

مندرجات

— ضبط سابق خلاصه سنک قرائتی

— اوراق وارده

— مؤجلت عسکریه ویرکوسی قانونک مذاکره سی

برنجی جلسه

برائ مذاکرات

دقیقه ساعت

۲

[رئیس — رئیس ثانی رؤف بک افندی]

کاتب : ضیا خورشید بک (لازستان)

قانونی وارہ مناسب کورورسہ کز لایحہ انجمنہ کوندرہ لم .
اسپارطہ مبعوثی نادر بکک بر مهندسہ دائر نافعہ
وکالتندن سوال تقریری وار . مناسب کورورسہ کز نافعہ
وکالتنہ کوندرہ لم .

۲۳ نیشان تبریکنہ دائر مورود تبریک تلغرافلری
واردر . کندکاری بر لر ہیئت علیہ کزہ عرض ایدیلہ جکدرہ .
ومناسب کورورسہ کز دیوان ریاستجہ مناسب جوابلر
یاریلر . (موافق سسلری)

۲۳ نیشان مناسبیلہ مورود تبریک تلغرافلری
سیواسدہ ہیئت تمیزہ ریاستندن

قوزان مدافعہ حقوق

نیکسار

قوزان متصرفلغندن

اکین بلدیہ ریاستندن

عثمانیہ بلدیہ ریاستندن

فتیکہ بلدیہ ریاستندن

ضبط سابق خبرہ سنک قرائتی :

رئیس — افندم! جلسہ کشاد ایدلدی . ضبط سابق
خلاصہ سی ہیئت علیہ کزہ عرض ایدیلہ جک . (ضبط سابق
خلاصہ سی او قوندی)

رئیس — ضبط سابق حقندہ سوز ایستین وارمی افندم؟
صلاح الدین بک (مرسین) — انتخابات حقندہ
کافی صراحت کورہ میورم . مستکفلر یازلامشر .

رئیس — قرار اولدینی ایچون معلوم عالیکنز ضبط
سابق خلاصہ سنہ قید ایدلیور افندم . فقط؛ اصل ضبطدہ
صراحت واردر . ضبط سابق حقندہ باشقہ سوز ایستین
وارمی ؟ « خیر سسلری » ضبط سابق خلاصہ سی عیناً
قبول ایدلدی .

اورای وارده :

رئیس — افندم ! ملاطیہ مبعوثی لطفی بک طرفندن
اعضای کرامک خرچراہلری حقندہ ویریلن تکلیف

رئیس — حمایت اطفال جمعیتک تزید وارداتنه متعلق قوانینک مستعجلاً مذاکره ایدلسی حقتده بولی مبعوثی دو قنور فؤاد بکله رفقاسنک تقریری وار افندم او قونه جقدر .

فؤاد بک (بولی) — افندم ! بوتقریر بنده کزک شخصی تقریرم دکلدر . هیئت جلیله بر انجمن مخصوص انتخاب ایشمدی . بووا انجمنک قرار بدر یعنی بونلر شعبه لردن انتخاب ایدیلرک وجوده کتیریلن انجمنده کی ذواتک ویرمش اولدینی قرارلدر افندم .

ریاست جلیله

کچنلرده بوردور مبعوثی اسماعیل صبحی صویمصالی بک طرفدن روسیه دن گلکده اولانی آج چوجقلمک مملکت مزه قبولیله عائله لره توزیمی اموریله مشغول اولمق اوزره بر انجمن مخصوص تشکیلی حقتده ویریلن تقریر اوزرینه شعبه لرحه انتخاب قیلنن ایکیشر اعضادن ترکب ایدن انجمنمز شمده یه قدر مکرر بالا اجتماع مذکورایش ایله مشغول اولمش و مختلف الویه وولایانه مراجعت ایدیلرک بونلرک بر چوغندن برخیلی مقدارلرده آج چو- جقلمک اعاشه واسکان ایدیله جکلری حقتده موافق جوا- بلری آلمش ویریلندن ده جوابلر گلکده بولتمشدر آخج انجمنک اون بیکرجه چوججک مملکت مزده حسن صورته توزیع واعاشه لری ایشیله مشمر ومؤثر بر صورتده مشغول اوله بیلمسی بوچوجقلمک حدودی نردن وسوا حلمزدن مختلف ولایتلرده شهر ، قصبه و کویله قدر نقل توزیمی ایچون اقتضایدن مصارف مادیه نك عاجلاً تأمینی ضرورتی درکار اولدینی جهتله بوتقل و توزیع واعاشه امریله اشتغالی تقریر ایدن حمایت اطفال جمعیتنه واردات تأمیننه عائد اولوب مجلس عالی کزه تقدیم قیلنمش اولان مختلف لوائح قانونیه نك مستعجلیت قراریله سریعاً مذاکره و اناجلیربنی استرحام ایدرز .

۲۹- نیسان- ۱۳۳۸

اعضا	اعضا	اعضا	اعضا
مرعش	قسطمونی	بایزید	افؤاد
رفت	دوقنور سعادت	شوکت	
اعضا	اعضا	اعضا	اعضا
ارضروم	آیدین	آماسیه	قوزان
صالح	تحسین	دوقنور عاصم	مصطفی

اعضا
استانبول
قیر شهر
صادق
رئیس — (فؤاد بک خطاباً) افندم ! ایضاح بو یورمق ارزو ایدیور میسکز ؟

فؤاد بک (بولی) — خایر افندم .

رئیس — افندم انجمن بوکی قانونلرک مستعجلیتله مذاکره سنی هیئت علیه کزه تکلیف ایدیور . فقط اولجه اتخاذ بو یوردیغکز قراره کوره ایکی نوع روزنامه مز واردر . بر مستعجل قسملر ایچون روزنامه مز واردر ، دیکری ده علی الاصول روزنامه یه آلمان مسائلدر .

خلیل ابراهیم بک (آنطالیه) — افندم ! بو تکلیفلرک اول امرده علی الاصول قوانین مالیه انجمنه کیمه سی لازمدر .

صالح افندی (ارضروم) — مساعده بو یور میسکز؟ بومسئله حقتده عرض ایده جکم . افندم . اصولاً بونک قوانین مالیه وموازنه مالیه انجمنلرینه کیمه سی لازمدر . یالکز شونی عرض ایده هم که : روسیه دن باشقوردن وسائر دن بو کونه قدر قور تارمق تشبثنده بولندیغمز چوجقلمر ایچنده صیانیلر وار . بونلری بر کون اول قورتارالم ، چونکه بونلر مونه محکومدر . آچلق باشلادی . حمایت اطفال جمعیتده بولیشی تعقیبه مأمور بو یورمش اولدیغکز آرقداشلری کزدن بریسی ده بنده کزیم . بو قانونک مستعجلیتله مذاکره سنی تکلیف ایدیورم . چونکه قاچ دقیقه اول بوقانون چیقارسه هر بر دقیقه سننده برچوجق قورتیله جق . مستعجلیتی تکلیف ایدیورم .
رئیس — افندم ! بوتکلیف قانونی دکلدر ، برتمنی تقریریدر . بونکله موازنه مالیه انجمنجه معامله سی بیتمش و حمایت اطفال منفعتنه واردات تأمین ایده جک اولان لوائح قانونیه نك بر آن اول مذاکره سی طلب ایدیلور . مناسب کورورسه کز مستعجلیتله مذاکره ایدیلر . مستعجلیتله مذاکره سنی قبول ایدنلر لطفاً اللریئی قالدیرسون ! مستعجلیتله مذاکره سی اکثریتله قبول ایدلدی . شو

خالده مستعجلتله مذاکره اولته جق مواد روزنامه سنه
آلمشدر :

معلولین غزات حقنده کی تکلیف قانونینک مستعجلاً
مذاکره سی حقنده کوتاهیه مبعوثی جمیل بک بر
تقریری وار .

ریاست جلیلهیه

معلولین غزات حقنده کی تکلیف قانونینک ترجیحاً
مذاکره سی حقنده

مقدس دعوی ملی و دینمز اوغورنده خون کلکون
مهاستارینی آقیدان جهه حریده آلدقلری مهم یاره لرك
نتیجه تداو یسندده اعضای وجودینک اک قیمتایلرندن
بعضیلرینی غائب ایله مش اولان معلولین غزاتنک (نعمت
کلمته کورهدر) فهواسنجه ترفیلهری حقنده کی لایحه
قانونیه نك بوندن برخیلی زمان اول مدافعه ملیه انجمنه
تدقیقاتی بالا کال مجلسجه مذاکره سی اجرا اولتق اوزره
مقام ریاسته تقدیم ایدلیدی ایشیدلمشدر . استقلال وطن
یولنده کیمی هم قولسبز ، هم آیاقسز ، کیمی ده قولسز
و آیاقسز قالمش اولان بو محترم فداکار غازیلرمن حقنده کی
قانون مذکورک تأخیر مذاکره سی بالطبع هیئت جلیله جهده
موافق کوریله میه چکندن لطفاً روزنامه مذاکره آلهرق
ترجیحاً مذاکره سی تکلیف ایلم .
کوتاهیه

جمیل

رئیس — افندم ! بو قانون هنوز موازنه مالیه
انجمنده در . ریاسته کوندلرلس دکلدر . شوخالده هیئت
جلیله کز مناسب کورورسه معامله سی ختام بولوب ریاسته
کلنجه بو خصوصده هیئت علیه کزه معلومات ویرلسون .
مقرراتکزه کوره حرکت ایدلسون مناسبی افندم ؟
(مناسب سسلری)

انجمنلردن ردی متضمن اولهرق ورود ایدن تقریرلرك
صاحب تقریرک ورودینه دکن تأخیر مذاکره سی حقنده
جمیل بک تقریری وار افندم .

ریاست جلیلهیه

انجمنلردن ردی متضمن اولهرق ورود ایدن تقریرلرك
صاحبی موجود اولدجه تأخیر مذاکره سی حقنده منی تقریری

کرك تمنی صورتنده اولسون و کرك تکلیف قانونی
ماهیتنده بولسون مقام ریاستدن عائد اولدینی انجمناره
حواله ایدلمش وانجمنلر جهده ردی متضمن اولهرق هیئت
عمومیه سنک نظر تقدیرینه عرض قیلنمش اولان تقریرلرك
صاحبی مجلسده موجود اولوبده نقطه نظری ایضاح
ایتمدکجه صاحبنک موجودیتنه تملیقاً تاخیری محفوظیت
حق کلام نقطه نظرندن انتظام مذاکره سی واجب اوله چکندن
مناسب ایسه فیابعد بو خصوصک مجلس عالیجه اصول
اتخاذینی تکلیف ایلم .

۲۹ نیسان ۳۳۸

کوتاهیه
جمیل

رئیس — افندم ! معلوم عالیکز کوتاهیه مبعوثی جمیل بک
تکلیفی نظامنامه داخلیمز لهده علاقه داردر . اگر تصویب
بویورورسه کز بو تکلیفی نظامنامه داخلی انجمنه کوندره لم .
نظامنامه داخلی انجمنه کوندرلمسنی قبول بویورانلر لطفاً
الریینی قالدیرسونلر ! اکثریتله قبول ایدلمشدر .

رئیس — افندم ! بوکون روزنامه مزده و مؤجلیت
عسکریه ویرکوسنه دائر لایحه قانونیه واردر .

لطفی بک (ملاطیه) — رئیس بک ! نم بر تقریرم
وارددر . مکتب تأسیسی حقنده .

رئیس — قانون شکنده تکلیف ایدبایره آنحق
موضوع مذاکره اوله چقدر . ذات عالیلرینه عرض
ایدیله چکدر . شمده مؤجلیت عسکریه ویرکوسی قانونی
مجلسکزه کلشدر . مالیه وکیلی بکده بر آن اول مذاکره سی
آرزو بویوریورلر ، کندیلری ده بوراده درلر .

مؤجلیت عسکریه ویرکوسی قانوننک مذاکره سی :
مالیه وکیلی حسن فهمی بک (کشخانه) — هیئت
عمومیه سنک مذاکره سنه باشلانمزدن اول مستعجلیت تکلیف
ایدیورم .

مؤجلیت عسکریه ویرکوسی

موازنه مالیه و مدافعه ملیه انجمنلرنجه یکیدن تدقیق

اولهرق قبول ایدیلن شکل معدل

ماده ۱ — مکلفیت عسکریه داخلنده بولنانلردن

آتیده تعداد اولنانلر مؤجلیت عسکریه ویرکوسنه

تایمدرلر :

آ — مکلفیت عسکریه قانوننک ۹۱ ، ۹۲ ، ۹۳
نجی ماده لر یه مواد مذنیه لر یه موجبجه خدمت عسکریه دن
استنا ایدیلنلردن همسنلری تحت سلاحده بولنانلر .

ب — مکلفیت زراعیه قانونی ایله مکلفیت عسکریه
قانوننک ۹۵ نجی ماده سنه واداری مقرراه مستداتأجیل
اولتانلر (جدولی مربوطر)

۴ — همسنلری تحت سلاحده بولنانلردن حکومتجه
کوریلن لزوم اوزرینه هنوز محللرنده ترك ایدیلن ویا
جلب اولنیلانلر وبلا مدت مآزون طوتیلانلر .

۵ — خدمت عسکریه یه عدم قابلیتی دولایسیله
اخراج اولتانلرله ضعفیت بدنیه لرینه مبنی سنه آتییه ترك
اولتانلر .

۵ -- تورکیا بویوک ملت مجلسی حکومتی داخلنده کی
محللر اهالیسنندن اولوبده قراری اولیهرق شمده یه
قدر بو منطقه خارجنده قالمش وامثالی سلاح آلتیه آلمش
بولتانلر .

ماده ۲ -- (آ) فقره سنده کی استثنائیت اربابندن؛
معاش اصلیلری ایله تخصیصات فوق العاده لرینک یگونندن
شهری یوز غروشده برغروش آلتیر ، وکسورات یوز
غروش اعتبار اولنور . یومیه ویا اجرت ویا عائدات وخصصات
آلانلر عین معامله یه تابعدر .

ماده ۳ -- (ب) فقره سنده کی مؤجلار ویری اعتباریله
اویچ درجه یه تفریق اولنور :

برنجی درجه :

عسکری ارزاق ولوازم متعهدلری .

زراعت اربابی .

مواشی و حیوانات اصحابی .

اعشار ورسوم بلدیله ملتزملرندن معین دیپوزیتو ویرنلر .
وسائط نقلیه وپوسته متعهدلری .

شرکتلرکمدیر ، محاسبه چی و فن مأمورلری وامثالی .

ایکنجی درجه :

مطبوعات منسوبی ایله مرتب و ماکنیستلر .

احتیاج مملکته بناءً براقیلان دکرمنجی و فرونجیلر
وصنعتکارلر .

وسائط نقلیه وپوسته سوروجیلری و نقلیه قوللری
افراد مؤجله سی .

اجرتله حکومته نقلیاتده بولنان وسائط بحریه اصحابی .
اوراق وخرمن ماکنیستلری .

عمومی وخصوصی خسته خانه لرله هلال احمر مستخدمینی .
قیر بکجیلری .

اویچنجی درجه :

بویوک ملت مجلسی اقلامی کتبه سی و مطبعه سی مستخدمینی
مکتب و مدرسه معلملری .

صحیه مفتشی و مملکت طیبی و اجزاجیسی و بیطری
بلدییه معماری .

ایکنجی صنف احتیاط ضابطانندن ویا مأمورین
عسکریه دن عدم احتیاجه مبنی مآزون براقیلانلر .

کوچوک صحیه مأمورلرینه بلدییه آتی مأمورلری .
ژاندارمه صورتیله مؤجل رسومات و دیون عمومیه

و مملحه قولجیلری و محافظه مأمورلری .

لیمان چاوشلرینه فنار غاردیانلری .

اورمان محافظه مأمورلری .

بولنلردن برنجی وایکنجی درجه ده بولنانلر محللری
مجالس اداره سنجه حقیقی ثروت واستطاعتلرینه کوره بروجه

آتی تعیین اولنه جق ویرکوی سنوی یه تابعدرلر .
برنجی درجه : ۳۰۰ ، ۴۰۰ ، ۶۰۰ لیرا

ایکنجی درجه : ۵۰ ، ۱۰۰ ، ۱۵۰ لیرا

اویچنجی درجه : استثنائیت اربابی کی معاش ویا یومیه
ویا اجرت ویا خود عائدات وخصصات اوله رق آلدقلری

مبالغت شهری یوز غروشده برغروشی

ماده ۴ -- (ج) فقره سنده بحرر افراد مآزونه
محللری مجالس اداره سنجه ، حقیقی ثروت واستطاعتلرینه

کوره تعیین اولنه جق درجات اوزرینه ویرکویه تابعدر . درجات
ایله اعظمی و اصغری ویرکولری بروجه آتی اولوب درت

تقسیمده استیفا اولنور .

کویله ده :

: سنوی ۱۰ لیرادن ۱۰۰ لیرایه قدر

: » ۵۰ » ۵۰ » :

: » ۱۰ » ۱۰ » :

: » ۲۵۰ » ۵۰ » :

: » ۱۲۵ » ۲۵ » :

: » ۱۰۰ » ۱۰ » :

: » ۱۰ » ۲ » :

بالذات وبالواسطه زراعت اربابی ایله حیوانات اصحابی

منحصراً کراسته جی ، کورجی و اودونجی اولانلر

زراعت عملیه سی

شهر و قصبه لرده :

پراکنده و طوبدانجی تیحار و قومیسو نیخیلر

املاک و اراضی و زراعت صاحبی

صنعتکار و پراکنده جی و دکانجی اصناف

شهر عملیه سی (کمور ، شمندوفر ، فاریقدر عملیه سی ،

دیوارجی ، آرابه جی ، قیقه جی ، حال و امثالی)

امراد مأذونه دن بولنان مأمورین استثنائیت اربابی کی ویرکویه تابعدر .

ماده ۵ - - (س) فقره سی : مکفیت عسکریه قانونسک ۶۹ نجی ماده سی موجبجه احوال بدنیه سندن دولایی

فملاً خدمت عسکریه بی ایفا ایده میه جکی تعین ایدرک مکفیت عسکریه دن اخراج ایدیلنلر امثاللری سلاح آلتنده بولندیقی مدتیجه ، ونشورونمای بدنیلرینک عدم مساعده سندن ناشی سنه آتییه معاینه سنه ترک اولنانلرده خدمت عسکریه بیه آلتنجه بیه قدر دردننجی ماده ده کی افراد مأذونه حقنده مصرح ترتیب و نسبت دائره سنده و فقط اصغری مقادیرنده ویرکویه تابعدرلر .

تعین اولنور .

ماده ۸ - - اشبو قانون ۱ مارت ۱۳۳۸ تاریخندن

اعتباراً اردونک حال حضره ارجاعنه قدر مرعی الاجرادره .

ماده ۹ - - اشبو قانونک اجرای احکامنه مدافعه

ملیه و مالیه و کیلاری مأموزدر .

مؤجلت عسکریه ویرکوسی قانوننه مربوط جدولدر .

قانوناً مؤجل و مقرر آله موقت مؤجل بولنانلر

۱ - - عسکری ارزاق متهدرلی اولوب اکیال تمهد

ایدنجه بیه قدر تأجیل ایدیلنلر ،

۲ - - مکفیت زراعیه نظامنامه سی موجبجه [۲۰۰]

دوم زرعیات یاپانلر و مکفیت زراعیه هیئتلی ،

۳ - - مکفیت زراعیه نظامنامه سی موجبجه [۲۵۰]

قیون و کچی و [۵۰] صیغیری اولانلر ایله چوبانلری ،

هر قضا ایچون ایکی دمیرجی ، ایکی مرانغوز ، قیر

بکچیلری ،

۴ - - اعشار و رسوم بلدییه ملتزمی اولوب بو سنه

ینه ملتزم اولمق اوزره بیکر لیرا دیپوزیتو ویرنلر ،

۵ - - بش دوه و ایکی چفت آتلی آرابه و مکاریلری

مکفیت عسکریه قانونسک ۷۱ نجی ماده سنه توفیقاً

استننا ایدیلنلر بو ویرکودن معافدر .

ماده ۶ - - (ه) فقره سنده ذکر اولنانلر بروجه

آنی ویرکویه تابع طوبیلورلر :

برنجی درجه : تجارتله مشغول اولانلر : سنوی

۳۰۰ و ۴۰۰ و ۶۰۰ لیرا

ایکنجی درجه : صنعتله ویا کدیمیله تأمین معیشت

ایدنلر : سنوی ۵۰ و ۱۰۰ و ۱۵۰ لیرا

درجات و نسبتلری محملری مجانس اداره سنجه تعین

و اعلان ایدیله جک اولان اشبو ویرکولری ایکی آی طرفنده

تأدییه ایتمه ینلرک محملرنده کی اموال منقوله و غیر منقوله لرینه

مراجعتله تحصیل اموال قانوننه توفیقاً استیفا اولنور .

محملرنده کی اموال و املاکی بولمیانلرله کچد کلرنده ویرکولری

ایکی قات آلتقله برابر امثالک سلاح آلتنده بولندیقی

مدتک ایکی مثلی استخدام اولنورلر .

ماده ۷ - - اشبو قانون موجبجه طرح ایدیلن ویرکولر

تام بر سنه مالیه مخصوص اولوب صور تطبیقیه سی مدافعه

ملیه و مالیه و کالترنجه مشترکاً بایله حق بر تعلیمات ایله

ایله قوللره قید ایدیلنلر ،

۶ -- پوسته متعهد و سورجیلری ،

۷ -- شرکت مدیر و محاسبه چی و فن مأمورلری ،

۸ -- مملکت احتیاجه بناء دکرنه چی ، فروغچی و ساثره اولوب محللرینک کوستردیکی احتیاجه مبنی تأجیل ایدیلنلر ،

۹ -- وسائط بحریه سیله تأجیل ایدیلنلر ،

۱۰ -- اوراق و خرمن ماکنیستلری ،

۱۱ -- هلال احمر و شمندوفر مستخدمینی ،

۱۲ -- بویوک ملت مجلسی اقلامی کتبه سی و مطبعه

مدیر و مستخدمینی ،

۱۳ -- مطبوعات منسوبینی ایله مراتب و ماکنیستلر ،

۱۴ -- مکتب و مدرسه معلملری اولوب عمومی

سفر برلکک صوک قافله سنه قدر تأجیل ایدیلنلر ،

۱۵ -- عسکری فابریقه لری اوسته و عمله لری

و شمندوفر مستخدمینی ،

۱۶ -- ایکنجی صنف احتیاط ضابطانندن و یا مأمورین

عسکریه دن اوله رق عدم احتیاج دولایسیله بر قسم مقدرده

مأذون بولنانلر ،

۱۷ -- مملکت طیبی ، صحیه مفتشی ؛ اجزاجیسی ،

بیطری و بلدییه معماری اولوبده مملکتک احتیاجه مبنی

قسماً مأذون براقیلانلر و یا جلبنه لزوم کورولمیلنلر ،

۱۸ -- کوچوک صحیه مأمورلری ایله بلدییه آشی

مأمورلری ،

۱۹ -- ژاندارمه یه قید ایدلمک صورتیه تأجیل ایدیلن

رسومات ، دیون عمومی و مملحه قولجیلریله محافظه

مأمورلری ،

۲۰ -- اورمان محافظه مأمورلری ،

۲۱ -- لیمان چاوشلریله قنار غاردیانلری ،

۲۲ -- باققرلرک مأمورین مؤجله سی ،

۲۳ -- مکفیت عسکریه قانوننک ۹۵ نجی ماده سنه

ذیلاً تنظیم ایدیلن قوانین و مقررات ایله تأجیل اولنانلر ،

رئیس -- افندم ! هیئت عمومی حقه سوز

ایسته یین واری ؟ بوندن اول مالیه و کیلی حسن فهمی بک

افندینک بر تکلیفی وارددر . رأی عالیکنزه عرض ایدیورم .

مؤجلیت عسکریه ویرکوسی قانوننک مستعجلینه مذاکره .

سفی تکلیف ایدیورم . معلوم عالیکنز اوخه بوکی مالی

قانونلر موضوع بحث اولدینی زمانده هیننک مستعجلینه

مذاکره سی حقه ده هیئت علیه کزک قراری واردی .

بردها رأی عالیکنزه قویورم افندم ! قانوننک مستعجلاً

مذاکره سی قبول ایدنلر لطفاً اهلرینی قالدیرسونلر .

قانوننک مستعجلینه مذاکره سی قبول ایدلدی . هیئت

عمومیه سی حقه ده سوز ایسته یین واری ؟

علی شکرلی بک (طربزون) -- افندم ! قانون یکی

بر تأجیلی ، و یا استثنائی تضمن ایتمه یور . موجود اولان

مؤجل و مأذونلردن لازم کلن مؤجلیت ویرکوسی آلیور

بناء علیه قانوننک هیئت عمومی سنک قبولنی رجا ایدیه حکم

یالکنز بر ققطه حقه ده بوراده نظر دقتکنزی جلب ایتمک

ایستیورم که : خرستیانلردن بدل نقدی آلیور ، مسلمانلردن

طیبی آلیور ، یالکنز بوقانون مقدار اعتباریله خرستیانلر

نلردن آنان بدل نقدی ایله تمارض یاپیور . یعنی خرستیانلر

بدل نقدی و یروب عسکرلرکدن معاف اوله قلی حالده

تجارتلری ایله ، کار و کسبلری ایله مشغول بولتیورلر .

و یوردکاری مؤجلیت ویرکوسی مسلمانلردن آنانک

دوندهدر . بناء علیه بواقضاداً مملکته اجرای تأثیر ایدر

بدل نقدی قانوننک ده بونکله برلکده تعدیلنی تکلیف

ایدیورم .

عصمت بک (چوروم) -- افندم ! علی شکرلی بک

برادریز غیر مسلملر حقه ده کی معافیت عسکریه قانونیه ،

مؤجلیت عسکریه ویرکولی آراسنده کی عدالتسز لکدن

بحث ایستدیلر . مؤجلیت عسکریه ویرکوسی دولتک

خدماتنده ، و یا مملکتک منافع اقتصادیه سننده علاقه دار

ایشلره مشغول اولان ذواته طرح ایدلمکده در . یعنی

بونلر عسکرلرکدن تأجیل ایدلمکله برابر کندیلری سربست

و منفعت خاصه لری ایچون چالیشه میه جقلردر . بونلرک بر قسمی

اموردولتده مستخدمدر . دیگر بر قسمی منافع واقصا

دیات مملکت ایچون ترک ایدلشلردر . حالبوکه : غیر

مسلملر بدل نقدی ویرمکله برابر تماماً سربستدرلر . یعنی

امور خدمات دولته مقید دکلدر . عین زمانده منافع اقتصادی مملکتده مقید دکلدر .

بوندن دولایدرکه : بونلرک ایفا ایده جکاری وظیفه مقابلنده اونلرده برویرکو طرح ایدلشددر . اونلرله بونلر آرسنده بر مساوات کوزه دیله منز .

صالح افندی (ارضروم) — علی شگری بک افندی بوقانونک هیئت عمومی سنک تصدیقی تمینسنده بولندیلر . بوقانونک ماده لرنده اوینانه جق برچوق شیر وارددر . هر حالده هیئت عمومی سنک بردن تصدیقی طبیعی مناسب اولیه جقدر . چونکه ماده لر اوزرنده اعتراض ایدیله جک بعض مهم نقاط وارددر . ماده لر اوزرنده سوز سویلک ایچون حق اعتراض باقی قالمق اوزره هیئت عمومی سنک مذاکره سی کافی کورولسون .

طورسون بک (چوروم) — مجلس عالیکنزه سوق ایدیلان مؤجلیت عسکریه قانوننده بنده کنز ایکی نقطه کوریوروم . برنجیسی ؛ بومؤجلیت قانونی ایله حکومت صرف ایراد قصد ایدیور . منابع واردات بولمق ایچون برچوق متفرق قسملردن مؤجلیت ویرکوسی نامیله برشی آلور . حالبوکه مملکتتمزک اساسلی برصورتده بومدافعه مزه اشتراک ایدن قسمی کویلودر . بوکویولرک بر قسمی سفر برلک اثناسنده بر قسمی ده ایکی سنه دنیرو برچوق افراد عائله سنی غائب ایتشددر . کویلرده اوایل شیر بیلوروم که درت بش یتیم ایله قالمش بر طول قادین ، بونک قوجه سی عسکره کیتمش ، حکومت بونلر ایچون نیچون برشی دوشونمیور ؛ یالکنز خزینهی زکیکنتمک ایسته یور . حالبوکه : بوکوی بیکس زواللی کویولری ده دوشونملی ؛ بناء علیه ؛ بوکوی معینسز ، هیچ کیمسه سز میدانده قالدان کیمسه لر ایچونده بعض شرائط کوزه تلی در . اونلر بوشرائط ایچروشنده قطعاً نویرکو ویره بیلیرلر نده برشی . صکره مؤجل اولانلردن ویرکو آلوروز . افندیلر ! مؤجلیت ویرکوسی اوله رق آلدیغمز ویرکولر مملکتک استحصالانته خادم اولانلره مخصوصدر . صرف اونلری قورتارمق واونلر عسکرلکدن استثنا ایدلک اوزره ترتیب ایدلشددر . بناء علیه ؛ اک اولان نظر دقتکنزی جلب ایدرم . اول

احمرده بوتون خانه سی قاپانوبده اوچ بش یتیم ایله خانه سننده قالدان بر طول قادینک یکانه اوغلی وقوجه سی قورتارمق ایچون برچاره دوشونکنز ؛ ثانیاً مملکتک استحصالانته نافع اولان قسملر حقیقده صرهمی کلدکجه سویلیه جکم . رئیس — افندم ! هیئت عمومی سنکده بشقه سوز ایستین واری ؟

صلاح الدین بک (مرسین) — افندم ! بوقانونک استهداف ایتدی بی غایه ؛ استقلال مجادله سنده مملکتک بوتون قوتندن جبهه نک و اردونک اعظمی بر صورتده استفاده سی تأمین ایتمکدر . (مقصد یاره تأمین ایتمکدر سسلری)

صلاح الدین بک (دوامله) — شهبه سز افندم ! پارهدر . بومملکت بوتون اولاد لرینی جبهه یه کوتوروب قوللردن استفاده ایتک امکانی یوقدر . همده دوغری دکلدر . حالبوکه : مملکتک جبهه یه کیدن خلقیدن مهم بر قسمک عینته مساوی اوله رق دیگر بر مهم مقداری بعض احوالده دائماً کیریده قالمقده در . بونلرک بر قسمی بر طاقم خدمات ومستنا وظیفه ومأموریتلرله تماماً مادام الحیات هیچ بر خدمت عسکریه ایفا ایتمه مکده درر . بر طاقلری جبهه ده قان دوکرکن اولاد وعیال لرینی تجارت لرینی ، کار وکسب لرینی بر اقه رق وطن مدافعه سننده اعظمی فداکارلر ایدرکن بر طاقلری ده استثنائیت پرده سی آتنده کیریده قاهره ، وآنجق اووظیفه و اوصفتک البته صیغیندقلری حالده دیگر لرینک مساعیسنه معادل تقدماً معاونت ایتهملری دوغری برشی دکلدر . بوقانونی نشرده بز چوق کیسج قالمشز . بوامر عظیمده کری قاهره خدمات دولت ووظیفه مأموریتلرینه صیغیند . نلرک ویا قازانجریله ، سعیر یله مشغول اولانلرک حکومتده ماده معاونت ایتهملری موافق اولیب بونلرک مؤجلیت ویرکوسی اعطاسیله کندی قازانجیلردن بر مقدارینی آیردرق مجاهده میله اشتراک ایله لری هم فرزندر . همواجیدر . (دوغریدر صدالری) بو نقطه نظر دن قانون بر کره وظیفه دولت دولایسیله مؤجل اولانلری مؤجلیت ویرکوسی نامیله بر ویرکو اعطاسنه ایچون ایدرک وظیفه وطنیه یه خادم قیلمشدر . بوندن بشقه مختلف اسبابدن دولایی یعنی مملکتک اقتصادیا تی محافظه وادامه ایتک

ایچون معین دکر منجیلرک، معین فرونجیلرک، معین و سائط
 نقلیه بریه و دکر لردده و سائط نقلیه بحریه اصحابک ضروری
 اوله زرق مملکت ایچر و سنده مؤجلتیرنی قبول ایتمک لازمدر.
 طالبو که بو مؤجلیتی قبول ایتمکیز زمان بو کچی کسان هم وظیفه
 عسکریه لرندن استتایدلش و هم ده منافع شخصییه لری ایچون
 بالذات تجارت ایتملرینه، یا شاهه لرینه میدان و رزمش اولیوروز.
 بناء علیه؛ بونلرک قدیم اعظمی جهاددن چکلمش بولتیورلر.
 حیاتلرنی قورتارمش اولیورلر، بالذات کار و کسبلرله مشغول
 اولیورلر هیچ اولمازسه کار و کسبلرندن، تمتلرندن
 قابلیت مالیه لری دائره سنده مدافعه وطن ایچون اوافق رویرکو
 ایل مکلف طولمه لری لازمه عدالته تماماً موافقدر. بناء
 علیه استتای و مؤجلیت اربابنک بلا قید و شرط جهه نک
 خدمتی ایچون و مملکتک استقلال ایچون برشی
 و پر مه سی هیچ دوغری دکدر. ایشته بز بو قانونه
 جهه ده فدا کارلق ابراز ایدنلره هیچ برشی یا میوروز.
 فقط اوفدا کارلق بورجی اولوبده لوظیفه و محبوریه
 یا ایامانلره بو نقطه ده برآز چالشمه نی تأمین ایتمش اولیوروز.
 بصفته کرک مؤجللر، کرک مستنارلر حقنده کی یا بیلان
 معامله دوغریدن دوغری به بر عدالتدر، بر وجهه در،
 بر لازمه در. بو کونکی حاله بوندن باشقه اوله زرق مملکتک
 مدافع قوتلرنی تشکیل ایدن افرادک بر قسمی کرک مملکتک
 کنیش منطقه لرنده بولمشی و کرک ایجاب ضرورت دولایسیله
 حکومت موقتاً مأذون بر اقیور. بو حاله امثاللری سلاح
 آندره ایکن کندیبری لسبب مملکتک اوزاق یرلرنده
 ایشلرله مشغول اولمقده درلر. بو نقطه نظرندن ده بونلردن
 اوافق بر مقیاسده اولق اوزره بر مأذونیت و بر کوسی آلق
 غایت دوغریدر. چونکه دیگر لرینک قانیله اشتراک ایتمدیکی
 بو مجادله به بونلرکده مالا اشتراک ایتملی لازمدر.
 بر مملکتده بولندقلری مدته هم حیاتلری محافظه اولمقده در،
 هم ده تجارتلرله، صنعتلرله اشتغال ایتمش اولیورلر. یا لکنز
 بو افراد مأذونه نک و بره چکلری بو ویرکولر مستتای
 و مؤجللرک مکلف اولدقلری ویرکونسیبتمده اوله مق
 لاریمدر. طبیی بو نقطه بی ده نظر دقسه آلدق.
 خصه و ضعیف اوله سندن و یا نشوونمای بدنیه دن محروم

اولسندن دولای سنه آتییه ترک ایدیلنلر، یا خود
 اوتدنبیری قلب خسته لنی و سائر صورته عسکره یا راماز
 دیهرک فالانلر تامامیه آزاده مکلفیت قالمقده در. بونلرک فیلی
 بر مکلمتیرینه مقابل هیچ اولمازسه نقدی بر مکلفیت تابع طوتلی
 دوغریدر. و قانون بونی ضروری کور مشدر. بوتون بونلردن
 فضله اوله زرق برده بو یوک ملت مجلی حکومتک دوغریدن
 دوغری به تحت اداره سنده کی منطقه دن اولوب ده ضروره
 طشرده بولنانلر واردر. بونلردن ده مدافعه وطن ایچون
 استفاده ایتمک لازمدر. کرک مدافعه ملیه و کرک ارکان
 حرییه دائره لرینک مطالعه لرله بونلردن شخصاً دکل
 نقداً استفاده ده ماناسب اولدینی درشونولش بونلر ایچون
 قانونه بر وظیفه نقدیه قونمشدر. ایشته حضور عالیکزه
 تقدیم ایدیلن مؤجلیت و استتاییت ویرکوسی قانونی
 وظیفه سی دولایسیله مستنای مؤجل اولانلره فراد مأذونه،
 اخراج و یا صورسائر ایله مؤحل اولوب خارجه بولنانلر
 و دولتک سلاح آلتیه جلب ایتمدیکی انسان داخلنده اولوبده
 مملکتلرنده لسبب لوظیفه بر اقیلمش اولان افرادک
 سی ذاتیلرندن دخی مدافعه وطن خصوصنده استفاده
 ایتمک اساسنه مستند اولان بر قانون ویرکودن
 عبارتدر. بناء علیه؛ عادلر، محقدر. ماده لرده کی
 مقادیر نقصان و یا فضله ایسه اوباشقه ... هیئت عمومیه
 بو جهتی تدقیق ایده بیلیر. اونک ایچون قانونک
 هیئت عمومیه سنک عیناً قبولنی رجا ایدرم. مهم
 و معظم هدفلر قارشوسنده - مملکت ایچون کرچه بونلر
 واردات جدیده دکدر. بر نوع وارداندر. فقط مملکت
 ایچون بر حاصلات دکدر. بو خصوصاتی آریجه تدقیق
 ایده جکزه، او کمزده کی مسائل حقنده بو غایت اهمیتلی و قیمتلی
 برشی اوله جقدر. عرض ایتمدیکم وجهه یا لکنز
 اوطورانلردن آلمقده در. بونک ایچون قبولنی رجا ایدرم.
 عمر لطفی بک (آماسیه) - اگر صلاح الدین بک
 انجمن نامه سویلیورلر سه برشی صورده جقم.
 رئیس - أوت انجمن نامه
 عمر لطفی بک (آماسیه) - شمعی تورکیا بو یوک
 ملت مجلسی حکومتک حوزه حکومتی داخلنده و طبیی

اشغال آئندہ بولنمایان یرلرک افسانلرندن بروریرکی آله جغز .
فقط تورکیا بویوک ملت مجلسنک حوزہ حکومتی داخلندہ
فقط الیوم تحت اشغالہ بولنان یرلرہ منسوب اولوبدہ
الیوم بورادہ بولنانلرندن آلمیہ جقمی بز ؟

صلاح الدین بک (مرہین) — اونلر شبہہ سزدرکہ :
احکام قانونیہ مزہ تابیدرلر .

عمر لطفی بک (آماسیہ) — آقرہدہ سزہ بویاہ
اون بیک دانہ بولورم . فقط ، بونلر دوشونلیور .

صلاح الدین بک (مرہین) — مساعده بویورک
اقدم ! اخذ عسکر معاملہ سی ہرکس ایچون جاریدر .

بویوک ملت مجلسی حکومتی ؛ میثاق ملیسی حدودلری
داخلندہ بولنان محللرہ بوکون قدرت فعلیہ سی یتشمیورسہ
قانونی اورالزہدہ حکماً تشمیل ایدیوروز . قدرت قانونیہ
اونلرہدہ حاکمدر . بونلر بوضورتلہ یاپیلیر . اونک ایچون
اقدم ! بندہ کز ذکرہ محل کورم .

لطفی بک (ملاطیہ) — اقدیلر ہم آکلایشمہ کورہ
بوقانون قوانین سائرہ مملکتی تحدید ایدیور . واونلرلہ

برضاد تام تشکیل ایدیور . بوکون خدمت مکلفہ عسکر یہ سندن
تأجیل ایدیلن اشخاص نہ کی براسباب ایلہ تأجیل ایدیور ؟

کیفی برسبلہ تأجیل ایدیور . البتہ برسبب قانونی اوزرینہ کہ
مؤجلیتی قبول ایتمشکدر ، مؤجل اولان نہ یایور ؟

مثلاً : منزللرہدہ استخدام اولتیور . خدمت نقلیہدہ وسائط
نقلیہدہ بولتیور . بویہ معنای مادہ خدمت موظفہ عسکر یہ .

سنی ایفا ایدیور . بو خدمت عسکر یہ سنی ایفا ایدنہ
برایکنچی اولہرق ویرکوصورتیلہ برخدمت عسکر یہ دہا

تکلیف ایتک برتکلیف مضاعفدر . بناء علیہ ، بوندہ
برعدالت ، برحقانیت شمسہ سی کورہ میورم . چونکہ :

بو آدمک وظیفہ سی اگر حقیقہ وظیفہ عسکر یہ دن معدود
دکل ایسہ ، نیچون تأجیل ایدیوروز ؟ جہہ یہ حوق ایدہم

نقلیہدہ برخدمت عسکر یہ دن معدوددر . وواحاتر اولدینی
قدرت بدنیہ اعتباریلہ اورایہ تفریق ایدلشددر . اوضورتلہ خدمت

عسکر یہ سنی ایفا ایدیور . وظیفہ عسکر یہ سنی فعلاً ایفا ایدن آدمدن
بردہ ویرکواک بواولورمی ؟ اقدم ! دوہ قولندہ استخدام

ایتدیگمز آدم فعلاً عسکرلک یایمورمی ؟ شمدی اقدم !
ایکنجیسی مؤجلیتک اسباب سائرہ سی نہدر ؟ قانون ہیچ بر فردہ

تأجیل بخش ایتدی . اقدیلر ! یالکز تأجیل
بدل نقدینک قبولیلہ اولور . بدل نقدی بی بزرد

ایتک ، شوخالده معاینہ ایدلش . معلولیتی تحقق
ایتمش ، بالضرورہ مؤجل قالمش ، بوندن خدمت عسکر یہ

ایفایہ قدرت یاب اولہمدیغندن دولایی خدمت عسکر یہ
ویرکوسی آلق ، بومغایر عدالتدر . مغایر قانوندر . بویاہ

شی اولہماز اقدم ! اگر ملتک عمومنہ بروریکو تشمیل
ایدہ جکسہک اوبشقه ؟ یوقسہ بویلہ غیر وارد مسائل ایلہ

برملتک افرادندن ویرکوا آلق عدالتسزلکدر . آکلانہ .
میورم اقدم ! بن دیورم کہ بو آدم معلول ، معلولیتی فنا ،

طیباً تحقق ایتمش ، خدمت عسکر یہ سندن استفادہ
ایدیلہ میہ جکسندن دولایی قانون بونی ترک ایتمش ، طیب

ترک ایتمش بوکون بزده کویا کنیدی آرزومزلہ
ترک ایدیوروز کی اوچوز لیرادن آتی بوز ایرایہ قدر

ویرکوا آله جغز دیوروز . بومظالمدر . بویلہ شی
اولماز اقدیلر ! صکرہ اساس اعتباریلہ مؤجل

اولان اقسامی ، مثلاًئمہ ، خطبا کی بونلر استثنا ایدلش
ایدی بونلر دن مؤجلیت ویرکوسی آلق قابلی ؟ (خیر

صدالری) بک ایی بونلر کی بونلری دہ اقسام اوزرینہ
تقسیم ایدیوروز ، چونکہ عدالت ہر شیدہ سیناناً معاملہ بی

استلزام ایدرکن باقیوروز ، بریدہ بوسببتون مظالمک فوقہ
چیقان بومسئلہ اونی استثنا ایدیور . بریکنی آلیوروز .

نہدن ؛ الی یوق ، ایاغی یوق بوندن ویرکوا آلیوروز . اما
استطاعت مالیہ سی وارایمش . فقط مؤجل اقدم بندہ کز جہ مسلح

وغیر مسلح قسمی آیرہم . غیر مسلح قسم ایچون قانون
عسکرینک ، اخذ عسکر قانوننک کنیدلرینہ تودیع ایلدی

برطاقم وظائف عسکر یہ وار . اورالزہدہ استخدام ایدیور .
یعنی خدمات خفیفہدہ استخدام اولتیور . شمدی بز

خدمات خفیفہدہ استخدام اولنانلرک ہیسنی مؤجل عد
ایدوب بونلر دن ویرکوا آله جغز . بوعدالتہ موافق دکلدر ،

بناء علیہ بوقانونک ہیئت عمومہ سنک ردینی ویالکز اگر
لازمسہ بدل نقدی اصولنک وضعیلہ یکیدن مسلملرندہ

بدل نقدی آلمانسی تکلیف ایدیورم .
حسین بک (العزیز) — اقدم ! آرقداشم لطفی

بث قانونی اییجه تدقیق ایتمه مشلر .

لطفی بك (ملاطیه) - چوق ایی تدقیق ایتمه ، سندن چوق ایی تدقیق ایتمه .

حسین بك (العزیز) - ایده مه مشسكز ، اتمش اولسه دیکز قطارده ، قولارده ، منزلرده مستخدم اولان افراددن ویرکو آلمسی جائز اوله ماز دیمزدیکز . بوقانونده اویله برشی بوقدر . رجایدرم بوقانون هیئت عمومی سیله شایان قبولدر . عیناً قبولتی تکلیف ایدرم . سویله حکم بوایدی .

رئیس - اقدم ! قانونك هیئت عمومی سنك مذاکره سنك کفایتی حقیقه بر تقریر واردر . مذاکره نك کفایتی قبول ایدنلر لطفاً اللرینی قالدیرسون ! مذاکره اکثریتله کافی کورولمشدر .

لطفی بك (ملاطیه) - هیئت عمومی سنی رایه قویمدیکز رئیس بك !

رئیس - قانونك هیئت عمومی سنی قبول ایدنلر لطفاً اللرینی قالدیرسون ! (قبول ایدلمشدر)

ماده ۱۰ - مکلفیت عسکریه داخلمده بولنانلردن آئیده تعداد اولنانلر مؤجلیت عسکریه ویرکوسنه تابعدرلر .

(۱) - مکلفیت عسکریه قانونك ۹۱ ، ۹۲ ، ۹۳ نجی ماده لر یله مواد مذیله لر ی موجبجه خدمت عسکریه دن استثناء ایدیلملردن همسنلری تحت سلاحده بولنانلر .

(ب) - مکلفیت زراعیه قانونی ایله مکلفیت عسکریه قانونك ۹۵ نجی ماده سنه واداری مقرراته مستند آتاجیل اولنانلر (جدولی مربوطدر)

(۶) همسنلری تحت سلاحده بولنانلردن حکومتجه کوریلن لزوم اوزرینه هنوز محللر نده ترك ایدیلمن ویا جلب اولنیلر وبلا مدت مأذون طوتیلانلر .

(۵) - خدمت عسکریه یه عدم قابلیت دولایسیله اخراج اولنانلرله ضعفیت بدنیه لرینه مبنی سنه آیه یه ترك اولنانلر .

(ه) - تورکیا بویوک ملت مجلسی حکومتی داخلمده کی محللر اهالیسندن اولوبده فراری اولمیه رق شمده یه قدر بومنطقه خارچنده قالمش وامثالی سلاح آلتنه آلمش بولنانلر .

سلیمان سری بك (یوزغاد) - اقدم ! برنجی ماده نك

(آ) فصلی فقره سنی او قویه جفم : « مکلفیت عسکریه قانونك ۹۱ ، ۹۲ ، ۹۳ نجی ماده لر یله مواد مذیله لر ی موجبجه خدمت عسکریه دن استثناء ایدیلملردن همسنلری تحت

سلاحده بولنانلر » ۹۱ ، ۹۲ ، ۹۳ نجی ماده لر ی معلوم اولمده یی ایچون بنده کزک آکلادیغ بونده مأمورین ده داخل اوله جقدر . معلوم هالیکز مأموریندن بعضلری وارکه کندیلمینه تودیغ ایدیلمن وظیفه نك اهمیتی اونك بالمجبوریه عسکر لکدن استثناسنی استلزام ایتمشدر . مال مأموری عسکر اولدیغی

تقدیرده دولتك امور مالیه سی یوز اوستی قاله جقدر . شو حلاله مال مأمورینی عسکر ایتمك دیمك کندیلمینه تودیغ ایدیلمن وظیفه نك ، انفکائی دولایسیله ملتک ایشنك معطل قالمسی دیمکدر . بوضورتله مکلفیت بنده کزجه

دوغری دکدر . صکره ذاتاً معاشلردن یوزده یکریمی تسقیصات صورتیه بونلر مکلفیتلرینی ایفا ایتمش دیمکدر لر .

اساساً منتظم معاش آلمیان بوقسم مأمورینه برده بویله برمکلفیت تحمیل ایتمك موافق عدالت دکدر . بنده کز بو (آ) فقره سنك طی ایله (ب) فقره سنك برنجی فقره لمش اوله رق قبولتی تکلیف ایلم .

علی رضا بك (استانبول) - اقدم ! فی الحقیقه سری بکک بحث ایتمک لری ۹۱ ، ۹۲ ، ۹۳ نجی ماده لر اولکی لایحه قانونیه ایله برلنده نشر ایلمش وهیئت

عنه کزک نظر دقتنه وضع ایلمش ایدی . مع هذارکرده ها او قویه جفم . (حاجت یوق سسلسری) یعنی بونلر یالکز مأمورلر دکدر . برچوق بویوک مقامات واردر . بونلر دولتك خدمات عمومی سنك محافظه سی نقطه سندن استثناء

ایدلمشدر . بو آملردن مؤجلیت عسکریه ویرکوسی نامی آلتنده ، برورکو آلمز سق ، هیچ کیمسه دن آلامق لغمز ایجاب ایدر . بو اعتبارله صورت قطعیده بواوچ ماده یه تابع اولان مقاماتی بو ویرکویه تابع طوتملیدر .

ضیاخورشید بك (لازستان) - اقدم ! بنده کز برنجی ماده نك اک زیاده (۶) فقره سی اوزرنده اصرار .

ایده حکم . همسنلری تحت سلاحده بولنانلردن حکومتجه کوریلن لزوم اوزرینه هنوز محللر نده ترك ایدیلمن ویا جلب

اولنیا نلر و بلا مدت مآذون طوتیلانلر « بونک صوک
 فقره سی اولان بلا مدت مآذون آکلارم. اونک حقنده
 سوزم یوق. باقی کز حکومت بعض محللرده برچوق اسنان
 اربابی سلاح آتله آمامشدر. بوسفر برلکده ارکان
 حربیه عمومیه نیک بیله جکی برایشدر. برچوق برلده
 آرده ایکی اوج تولد فرق ایدر. بعض یرده برچوق
 اسنان اربابی سلاح آتله آتمش اولور. بعض یرده
 آز آتیر. مثلاً ارمنستان حربی زماننده شرقده ده اچوق
 فضله تولد سلاح آتنده واردی. غرب جهتنده
 آز تولدی سلاح آتنده ایدی. شمعی بوسورتله اوراده
 فرض ایدلمکه: برچوق آدملر وار، کوییلر فقیر؛
 و بونلرک حال فقیرنی بیلوروز. قانون بو محاسبه بویله
 مستعجلیتله مذاکره ایدیلوب هیئت جلیله دن نه دن طولانی
 کچیرلمک ایسته ندیکنی بیلوروز. بو فقیر آدملرک ویره جکی
 پاره دن خزینه یه هیچ ر منفعت اولمادیگی کبی بو، فقیرلره
 بر بار تشکیل ایدمک و بو آدم بو ویرکونی نه دن ویردیکنی
 آکلایه میه جقدر. بو آدمک وظیفه سی مکلفیت عسکر یه در.
 بو آدمه دینلورکه؛ سن یا سلاح آتله کیتیمه جکسک بوراده
 قاله جکسک. الا پاره ویره جکسک. اسکی بدل نقدی قانونی
 بیله دور استبداده تطبیق ایدیلن بدل نقدی قانونی بیله
 سن پاره نی ویرسه ک عسکره کیتیمه جکسک دیدی.
 فقط شمعی؛ سن عسکره کیتیمه جکسک، پاره نی ویره جکسک
 دیوروز. بویله کیمسه نی بو ویرکویه تابع طوتامیز. بو ویرکو
 عادتاً بر سن ویرکوسی اوله جقدر. یکر می بش یاشندن
 اوتوز یاشنه قدر اولانلر همه حال بو ویرکونی ویره جقدر.
 چونکه فلان فلان یرده فلان سن اربابی سلاح آتنده درلر.
 حکومت لزوم کوردیکی وقت اولنلری ده سلاح آتله
 آله بیلیر. بو ویرکو ایله هیچ کیمسه قئید ایدیله من. بو
 ماده نیک (ج) فقره سنک طی لازمدر. یالکز بونک
 آتنده بلا مدت مآذون طوتیلانلر تعبیری قبول ایدیله بیلیر.
 صلاح الدین نیک (مرسین) — افندم! برنجی ماده
 حقنده رفقای کرامک سرد ایتدیکی اعتراضات ایکی قطه
 اوزرنده طوپلانیور. (آ) ماده سنی یعنی خدمت
 عسکر یه دن صنعت اقتضای اوله رق تمامیله مستنا

بولان ذواتک امثاللری سلاح آتله آتیرسه
 کندیلرینی بویله بر ویرکویه تابع طوتیوروز. بومستتالری
 اگر تمامیله مستنا طوته رسق اساساً قانونک حکمت وجودی
 قالماز. حتی مکلفیت مالیه یه تابع طوتلقدن ده اطاقل، ده اداوغری،
 ده ا منطق و احوال حاضره ایچنده ده ضروری برشی
 اوله ماز. حتی افندیلر! مؤجلیت عسکر یه ویرکوسی
 نامیله بر ویرکو الموق لازم کلسه یالکز استنا اربابی
 ایچون ویرکو الموق یه لازمدر. بناء علیه؛ بن
 بونی تماماً دوغری کور یورم. بومستتالری اگر تمامیله
 مستنا طوته جق اولورسق بونی تماماً بنده کز غیر محق
 کورورم. (آ) فقره سی لازمدر. واستنا صورتیله
 مکلفیت بدینه دن هر نه صورتله اولورسه اولسون. معاف
 طوتیلان ذواتک نائل اولدقلری حضور و استراحتدن
 و مساعیدن ایتدکاری فائده نقطه نظرندن یعنی ایکی جهتندن
 استفاده لرینه مقابل تکلیف ایدیلن بو ویرکو غایت اواقدر.
 هر حالده بونلرک مکلفیتلری طبیعیدر. و احوال حاضرده
 بونی ایجاب ایتدیریور. (ج) ماده سی که مآذون طوتو-
 لانلردن حسب ایجاب امثاللری سلاح آتله آتمش ده
 محللرده دولتجه تأجیل ایدلش اولانلردن اوافق بر ویرکو
 آلوب المامق مسئله سیدر. بوکا کلنجه: افندیلر! بوقانونله
 بز مملکتته بر اخذ عسکر قانونی کبی اساسی و دائمی و حال
 حاضر و سفرده مرعی اوله جق بر قانون تکلیف
 ایته یوروز. بوقانون حال حربده مستنا شرایط تحتنده
 مملکتک بتون قوتندن استفاده ایتک ایچون یالشدر.
 و یالکز حال حرب ائناسنده مرعی الاجرا اوله جقدر.
 بناء علیه مملکتک بر قسمنده؛ سکر صنف ویا اون بر
 صنف بلا مدت مآذون، مساعی سربستانیه دوام ایدوب
 طور مقده ایکن و امثاللری بوراده ایقای خدمت ایتکده
 ایکن بوسورتله کندیلرینک سربستیلرینه مقابل اوافق
 بر مکلفیتی طلب ایتک ظن ایدرم که برچوق جهتلردن
 لازمدر. بونک لزومه هیئت جلیله کز قائل اولمیه بیلیر.
 فقط بز احوال عمومیه، احوال مالیه، وضعیت عسکر یه
 ایجابی بونی موافق کورمکده یز. و حتی بوسورتله اولماسی
 ده اطاقلانه اولمقده در. عین سنده بولان عموم ملت
 افرادندن استطاعته کوره استفاده ایتلی یز.

ضیاخورشیدبک (لازستان) — ۷ — همسنلری تحت
— الاحده بولناتلردن حکومتجه کوریلن لزوم اوزرینه
هنوز محللرینده ترک ایدیلن ویا جلب اولمیانلر وبلامت
مأذون طوتیلانلر...» اقدم . بوراده کی همسندن مقصد
نذر ؟

صلاح الدین بک (مرسین) — عین قرعه افرادیدر
افدم ...

ضیا خورشیدبک (لازستان) — بومکلفیت عنسکریه
قانونتجه امثال عد اولنه بیلیرمی ؟

صلاح الدین بک (مرسین) — یعنی عسکری معامله لر
قرعه سنلری اساس اولق اوزره قوللانیلور . ۳۱۱ —
۱۵ — ۱۴ دیه . مثلاً بر یرده ۱۱ لیلر خدمت ایتمکده در .
سکره بر منطقه ده ۹۰ — ۸۵ — ۳۰۰ لیلر سلاح آلتنه
آلغامشدر . مهم بر ساحه تشکیل ایدن یرلرده سکز
صنف افراد تحت سلاحه آلغامشدر . بونلر بلا مدت
مأذوندر .

ضیا خورشید بک (لازستان) — اقدم ! سلاح
آلتنه آلغامشدر .

صلاح الدین بک (مرسین) — آلتنه جقدر اقدم ،
فقط دولت لزومنده آله جقدر .

ضیا خورشید بک (لازستان) — آلسون اقدم .

صلاح الدین بک (مرسین) — احوال و ضرورت
بو کون اورادن آلمنی ایجاب ایتمز ، یارین ایجاب ایدرسه
اورادن آله جق بوراده کنی براقه جق . یعنی اساس اعتباریله
بنده کز دییورم که : بز مملکته یکی بر مکلفیت تکلیف
ایتموروز . اساساً موجود اولان اخذعسکر قانونی وجهله
لسبب مستتناً اولانلری مکلفیت مالیه ایله مجبور طوتیوروز .

قانونک سببی آتجق حال حربک دوامی ، یعنی منطق عسکری ، منطق
حادثات ، منطق ضرورتدر . بوقسه مملکتک اداره عمومیه سی
ایچون اساسلی بر قانون دکلدرد . بو نقطه نظرندن مطالعه
ایدیلیدر .

حاجی مصطفی افندی (آقره) — اقدم ! (آ)
قره سنده « امثاللری تحت سلاحده اولانلر » دییور .

او فقرده مطلقمیدر ؟ مقیدمیدر ؟
صلاح الدین بک (مرسین) — اقدم ! ذاتاً مکلفیت زراعیه

قانونی و بوکبی یاییلان قانونلر مطلقاً مقرراته مستنداً
یاییلان تأجیللر ذاتاً امثالی تحت سلاحه آلتانلر حقنده در .
آلتیانلر حقنده یاییلاماز .

حاجی مصطفی افندی (آقره) — شمعی مساعدده
بیوریرسکز داعیکز عرض ایدیم . ایکی یوز دویم
اکنلرک هیچ بریسی سنلری (۹۵) ی تجاوز ایتمش
دکلدرد . طقسان بشدن اشافی هپ اختیارلردن در .
بونلری طوتیدیلر او یله یاپدیدلر .

صلاح الدین بک (مرسین) — اقدم ! بنده کزجه
بو ذوات کندیلرینک حضور وراحتلری تحت امنیتده اولق ایچون
کندیلیری ایلروده جلب ایدیله چکنندن ده صرهلری کله دن
بویله بر شیئه تشبث ایتشلردرد . کندی منفعتلرینه کوره
حرکت ایتشلردرد . قانون بونلری اجبار ایتمز .

مصطفی کمال بک (ارطغرل) — قانون ۳۳۸ سنه
سندن اعتباراً مرعی الاجرا اولاجقدر .

حاجی مصطفی افندی (آقره) — مکلفیت و مؤجلیت
ویرکوسی بر سنه ظرفنده تحصیل ایدیلور . حزیزنده یا خود
تموزده تحصیل اولونورسه و سکره عسکره چاغیریلیرسه
نه اولاجق ؟

صلاح الدین بک (مرسین) — مساعدده بیوریرسه کز
بوماده لره عاندرد . مؤجلیت ویرکوسی تقسیطلر اوزرینه در .
تقسیط صورتیه آله جقدر . بو تقسیطلر حقنده ماده یه
برایکی جمله نک علاوه سنی رجا ایده جکزد . بوبدل قندی
منللو تقسیطله یاپاجغز اوج آیده بر تقسیط ویریه جکدر .
ودوات ذاتاً مقسطاً طلب ایده جلدرد . دولت اگر تحت
سلاحه جلب ایده جک ایسه طبیی پاره یی آلمایه جقدر .

ضیا خورشید بک (لازستان) — اقدم ! اصول
مذاکره یه دائر سویلیه جکم . اقدم ! شمعی طبیی برنجی
ماده نک مذاکره سی کافی کورلدیکی تقدیرده رایه وضع
اولنه جق ، بنده کز تکلیف ایدیورم که : بونلرک
(آ) ، (ب) ، (ج) فصللری آیری آیری هیئت جلیله نک
راینه وضع ایدله لیدرد . فقره لر آیری آیری رایه قونمالیدرد .
بنده کز بوماده نک هیئت عمومیه منی قبول ایتمکه برابر
مخالفت ایده جکم نقاط واردرد .

لطفی بک (ملاطیه) — اقدم ! بنده کزده چ

فقره سنده ، [همسنلری تحت سلاحده بولنلردن
حکومتجه کوریلن لزوم اوزرینه هنوز محمللرنده ترك
ویاجلب اولنیانلر و بلا مدت مآذون طوتیلانلر] بو فقره
حقننه بحث ایده حکم .

شمدی مثلا ۳۱۷ تولدی اسنان اربابنك سلاح آلتنه
آلتنی امر ایلدی ، آلتنه حق ، فقط ؛ بر منطقهده
دولتجه بر مدت ایچون او تولد اربابنك سلاح آلتنه
آلتنه لزوم کورلمدیکندن دولایي اوراده کیلر خانه لرنده
مآذون قالیور . یعنی اورادن باشقه یره حاليله کیده میور ،
شعبه لر بر اقایور ، او آدم تجارت ایده میور ؛ چونکه :
هر هانکی بر زمانده سلاح آلتنه آلتنی ایچون او آدم
خانه سنده مهیا بولونجق که دعوت ایلدیکی زمان چالطه سی
آلوب جبهیه وسار عسکرلکنی یا باجق یره ، وظیفه سنه
کیتسون . رجا ایدرم بوندن ویرکو آلتماز ، بو آدم
عسکر در . بو آدم خدمت مهیا ر عسکر اوله رق اوراده
بکله یور ، سز اوکا لزوم کورمه دیکز ، اوراده او طوره
دیدیکز . اونده او طور بیور . فقط ؛ عسکر در ، بویله شی
اولماز .. ها اکر بو ویرکو آلتنه جقسه مآذون بولندی
مدتی خدمت عسکر یه سنه محسوب ایده لم ؛ مثلا بو آدمک
امثالی سلاح آلتنه آلتدی . آلتی آی خدمت ایتمدی ،
بو آدم ایسه آلتی آی خانه سنده مهیا قالدی و آلتی آی
ظرفنده بو ویرکو ایله مکلف طوتیلدی ، صکره سلاح
آلتنه آلتدی . بو آلتی آیلق مدت خدمت عسکر یه سندن
عد ایدیله حکم ؛ مادام معاف طوتیلیمه جقدر ، بو قطعاً
اولماز .

صالح افندی (ارضروم) — بنده کز یا لکنز فقره ده کی
(مؤجلت) گه سنه اعتراض ای دییورم . چونکه هر هانکی
افراد مسلمه خدمت وطنیه دن تأجیل ای دیله من ، نهن
ایجاب ای دییور که بر بالدیری چیللق قاتی دو کسون ،
دیگر زنکین جبهیه کیتمه سون ، خدمت وطنیه سی ایفا
ایتمه سون ، تأجیل ای دیلسون ، یا لکنز بونی بو صورته قبول
ای دییورم که مؤجلت گه سنی (خدمت وطنیه) گه سیله
اصلاح ایده لم . یعنی بیه عسکر در فقط ؛ خدمت
وطنیه ویرکوسی نامیله بر ویرکویه تابعدر . چونکه عسکرک

بر قسبی جبهده چالیشر ، بر قسبی ده جبهده دکل کیری
خدماتده چابالار ، ذخیره یتیشدیرر ، ارزاق یتیشدیرر ،
پاره بولور ، ویرر . اوده چالیشر هر ایکسی عسکر در .
عسکر گه سنی تأجیل ویا استنا دیه قبول ایدر ایسه ک
بر ایکلیک میدانه چیقار که بو یک فابرشیدر . صکره (ب)
فقره سنده « مؤجلت عسکر یه قانونیه مکافیت زراعیه قانونک
۹۰ نجی ماده سنه واداری مقرر اته مستند تأجیل اولنلر ، دییور .
زراعدن تأجیل ای دیلنلر کندی منفعتنه تأجیل ای دیلیور ؛ چونکه
هانکی زراع تأجیل ای داش ایسه ایکی یوز دونم ذخیره
آکک شرطیله تأجیل ای دلشدیر . بونی ، کندیسی ایچون
آکیور ، بنم حسابمه آکیور ، اردو منفعتنه ، اولاد شهدا
منفعتنه آکیور ؛ قومشو حسابمه آکیور ؛ بو قانون کندیسی
ایچون بر قامچی اولیور ، پاره قازانیور بونک ایچون ،
فضله آکین آکنلردن ده افضله ویرکو آلتایدیر . (دوغری
سسلیری)

صالح افندی (دوامله) — فضله پاره آلدیه باق !
(فائده سی یوق سسلیری) اکلار سنک فائده سیمی وار ،
ضرریمی ؛ صکره (۶) ماده سنده « هنوز محمللرنده ترك
ای دیلن » دینیور اکر بو کچی تعمیر لری اخذ عسکر نظام
نامه سنه بر ماده اوله رق قبول ایدرسه ک مملکت بوندن
استفاده ایدر و عدالت یامیش اولورز . چونکه ؛ بو کونکی
وضعیت بوراده ، یارین آناطولینک بشقه نقطه سنده
عسکرک جمعنی ایجاب ایدر ، او حالده ، اوراده خدمته
آلتیمان نصل ویرکو ویره حکسه یارین بورادن آلتیمان ده
بر ویرکو ویرر و عدالت سیاناً تشمیل ای دلش اولور .

(هنوز محمللرنده ترك ای دیلن) تعمیر نی موقت اوله رق
قبول ای دییور سه بر عدالت سنرک یایلمش اولیور . چونکه
هر کس بیلیور ، حرب عمومی ابتدا سنده قاقاس جبهه سنده
بولونان (۸۵) تولدیلیر ایلک او کجه تحت سلاحه آلتدی
وسوق ای دلدی . حالبوکه کیری محمللرده مثلا : قونیه ،
آقره ، بروسه ده بولنلردن ایسه (۱۲) تولدیلیر بر
یحقی سنه صوکره ، (۸۵) تولدیلیر ایکی سنه صوکره خدمته
آلتدی . بوده مملکت آراسنده ایکلیک چیقاریر ،
ضرر در . اکر بونی اخذ عسکر نظام نامه سنه تمللی بر ماده

اوله رق قبول ایدر سه ک دوغریدر . موقت اوله رق قبول ایدیه جک اولور سه طینی تکلیف ایدرم .

جیل بک (کوتاهی) — اقدام ! بنده کز بوقانونی هر هتدن پک مکمل بولیورم . بز بوقانون ایله ملت مسلحه حانه کلیورز . چونکه ؛ کیمه عسکرلک صیراسی کلیرسه اوکیدر ، دیکری یرنده قالیر ؛ اوبرینک چکدیکی اضطرار بدن ، دوکدیکی قادن وسار بدن هیچ بر حصه آمازدی . شمدی بوقانونله سلاح آلتنه کیدنلر نصل که بدنا مملکته خدمت ایدیورلر سه کیری فالاندرده مالا خدمتارینی ایفا ایدیورلر . صوکره بونده بر اییلک دها وارکه اشبو مکلفیت عسکریه ویرکوسنه مال مأمورلری نظارت ایده جککری ایچون دوغرو ایفای وظیفه اتمین شمه رئیسارینه عادتا بر قوتتول وظیفه سی ایفا اتمش اولاجقلردر . بوده چوق ایدر . یالکیز افندیلر ؛ (ب) اشارتلی اولان اوچنجی ماده یی تشکیل ایدن فقره نک (۳) نجی د جه سنده ، اورمان محافظه مأمورلری دینلمش اولدیقه نظر آبنده کز ، بونی موافق بولیورم . چونکه ؛ اورمان محافظه مأمورلری دیدیکمز کیمسه لر اسکی سر بکچیلردر . بونلرک اوچیوزالی اوچیوز اللیشر غروش معاشلری وار ایدی . بونلر عادتا بر بکچی ایدیلر . حتی بونلرک پک چوغی او قویوب یازمق بیله بیلیمورلردی . فقط اقصا د کالتی حقیقه اتی برایش پاپه بیلیمک ایچون بونلرک اسمنی محافظه مأمورلرغه چویره ک معاشلرینی بیکر غروشه ابلاغ ایتدی وامتحان ایتدی ، مأموریتلرینی ترفیع ایتدیردی . لیکن مأمورلر ، ینه اسکی مأمورلردر . یالکیز بونکله ۷۰ - ۸۰ بیک لیرا خزینه مزی متضرر ایتشلردر .

جلال بک (صاروخان) — اویله دکدر اقدام . جیل بک (کوتاهی) دوامله — محافظه مأمورلرینک اقتدارسز اولانلرینه بوصولته بر لطفکارلق ایدلمش ایکن برده بونلرک عسکرلکدن تأجیلی لطف اوزرینه لطف تشکیل ایدیور . حالبوکه بومقابل بر .. بیا بیلیمزلر . یعنی هیچ برایشه یارامازلر ، (کورولتیلر سوزبکی کیری آل صدرلی) اگر مجلس تعمیریمی بر سر ج عدا یه پورسه

سوزمی کیری آلم اقدام .

رئیس — سوزنی کیری آلمشدر .

جیل بک (کوتاهی) دوامله — افندیلر ؛ بونلرک بیکر غروش معاشی واریکن اورمان محافظه مأمورلری معاملات و جابیت مأمورلرینک نیچون دوندنده درلر ؛ حالبوکه معاملات و جابیت مأمورلرینک معاشی درت یوز غروشدر . بناء علیه بنده کز بر تعدیل تقریری ویردم . بو اورمان محافظه مأمورلری یرینه معاملات و جابیت مأمورلرینک علاوه سنی تکلیف ایدیورم .

رشاد بک (صاروخان) — اصل اخذ عسکر قانونک ماده سنده محافظه مأمورلری واردر . دیکشه مز .

جیل بک (کوتاهی) دوامله — صوکره برده اقدام ینه بونک فقراتی آراسنده (۵۰) عدد صیغیری اولاندره تأجیل اولنیور ... حالبوکه حیوانات غنیمه سی اولانلر طبیعی دولته براغانم ویرکومی ویریورلر . لیکن اولنر ، صیغیر حیوانی اولانلر نه ویرکو ویریورلرکه بونلر استمنا ایدیور . بویا کاشدر ، بونک تصحیحینی تکلیف ایدیورم .

واصف بک (سیواس) — اقدام ! برنجی ماده نک « س » فقره سنده ، خدمت عسکریه یه قابلیتی اولمیانلر مؤجلیت ویرکوسیله مکلف طوتیلیورلر . حالبوکه مادام ، که بونلر معلولدرلر ، بونلرک خدمته قابلیتی یوقدر . معلول اوله رق اخراج ایدیور . بونلری ویرکو ایله مکلف طوتیمق دوغرو دکدر . بناء علیه بو فقره نک بورادن طینی تکلیف ایدیورم . اوکا دائر بر تقریرم واردر . صکره « تورکیا بویوک ملت مجلسی حکومتی داخلنده کی محللر اهالیسندن اولوبده فراری اولمیه رق شمدی به قدر بو منطقه خارچنده قلمش وامثالی سلاح آلتنه آلمش بونلنلر » دنیور . فراری دعوته اجابت ایتدکن صکره چکلمش ، کیتمش اولانلردر . دعوته اجابت اتمه مش اولانلر بقایادر . بوماده ده بقایا حقنده سویله یور . بقایا معامله سی حکومت مزک تحت اشغالنده اولمیان لرلرکه مثلا : استانبول ... میلاده بونلنلر کی ، بوتون بورالره شمدی به قدر وشمیدن صکره کیده جکله شامل دکدر . شمدی به قدر دعوته اجابت اتمه یوب گلین انسانلرک عناد ایتدکری خصوصنی دولت قبول ایدیور ؛ بن باره

ویریم ، خدمت عسکریه به کلمه دیور. طالبوکه بو ،
 داخله برطاقم تشوشاتی موجب اولور بویوک ملت مجلسی
 حکومتی ، مسلملردن بدل تقدی بی قبول ایتمه مشدر ،
 مساوات نامه یامشدر . مطلقاً خدمت مکلفیتی یایسون
 دیمشدر. بوکارغماً کله نیلر و حکومتک تحت نفوذنده بولمیانلر
 اگر بویله پاره ایله قور تولورسه او زمان داخله ده امثال
 تشکیل ایدر. هر کس طاعه قاچار، گلزلر . دیگر انسانلره
 یایدیغمز کبی بالطبع او بر طرفه ده یاقلمغمز لازم کله جک
 بو ، دولتک حیثیتیه موافق دوشمزر . اونک ایچون بو
 «س» فقره سی کلیاً قالدیرلایدیر. تقریر مده ده بونی تکلیف
 ایدیورم .

صلاح الدین بک (مرسین) -- اقدام ! برنجی
 ماده حقنده درمیان اولونان مطالباتدن شایان دقت اولان
 بللی باشلی واصف بک برادریمزک سرد ایتمکی نقاطدر .
 دیگر لری ده وار . صر هسیله کله جکم : خدمت
 عسکریه دن اخراج اولونان و یا خود وجودلرینک
 نشو و نما سی درجه کفایه ده اولمدیغندن دولای
 سنه آتیه ترک اولونانلردن بر مؤجلیت ویرکوسی
 آغمالی ، آغمالیمی ؟ آغمالی موافق عدالتیدر ؟
 دیکیدر ؟ بنده کز دیورم که آغمالی موافق عدالتدر .
 چونکه اولی طبع اولونان ده مفصل قانونک ایلمک
 شکلنه باقیلیرسه بز ، کرک تشکلات بدنیسی ، احوال
 صحیسی ، قوای عقلیه سی دولایسیله کار و کسبه مقدر
 اولامایانلری و کرک خدمت عسکریه ده ایکن ایفای خدمته
 غیر مقدر برحاله کلوب و احوال عمومیسی اعتباریه
 بالذات کار و کسبه موفق اولامایانلری ذاتاً عفو ایتمک .
 مساعده بویوریرسه کز قانونک بشنبجی ماده سی عیناً
 اوقویورم .

(س) فقره سی : مکلفیت عسکریه قانونک ۶۹ نجی
 ماده سی موجبجه احوال بدنیسه سندن دولای فعلاً خدمت
 عسکریه بی ایفایده میه جکی تعین ایدرک مکلفیت عسکریه دن
 اخراج ایدیلنلر امثاللری سلاح آلتنده بولندی بی مدتیجه
 ونشو و نما ی بدنلیرینک عدم مساعده سندن ناشی سنه
 آتیه معاینه سنه ترک اولونانلرده خدمت عسکریه به آلتجه یه
 قدر درنجی ماده ده کی افراد مأذونه حقنده مصرح ترتیب

ونسبت دائره سنده و فقط اصغری مقادیرنده ویرکوبه
 تابعدر . مکلفیت عسکریه قانونک ۷۱ نجی ماده سنه توفیقاً
 استثناً ایدیلنلر بویورکودن معافدر . ه مساعده بویوریکز .
 آلتنده (۷۱) نجی ماده سنه توفیقاً استثناً ایدیلنلر ، یعنی نه
 عقلاً ، نه بدناً ، نه استطاعه بونی ایفایه مقدر اولامایان
 آدملر دیمکدر . بونلر ذاتاً بویورکودن معافدر . بنه
 علیه ؛ اوفقره واصف بک برادریمزک بویوردینی مسئله بی
 حل ایتمکده در . مقدر اولمیانلردن آلمیورز . مقدر
 اولانلردن آلاجغز . بویوردقلری (۶) نجی ماده ناک
 اوستنده کی فقره ده در . اونک ایچون چار پینتسی خلجانی
 وسائر می اولانلرک احوال مالیه سی مساعده اولدنجه ،
 زنکین فقط ؛ اصحاب املا کدن اولانلری اوزون مدت
 استثناً ایتمک حکومتک هیچ بر مجبوریتی یوقدر . قانونک
 شمولنی تأمین ایتمک و بوقطه نظر دن اخراج بهانه سیله
 قاچق ایسته نیلره یل اولدیغی و آنجق اسباب معقوله
 و مشروعه داخلنده بویورکودن ویریه سیله جکنه دائر بو
 فقره قونولمشدر .

(ه) فقره سنه کلنجه ، یعنی تورکیا بویوک ملت
 مجلسی حکومتی اهلایسندن اولوبده لسبب خارجه بولنانلره
 کلنجه : فی الحقیقه بویوردقلری غایت دوشریدر ؛ امثاللری
 بوراده فعلاً خدمت ایدنلردن ، بدنلری مساعده اولوب
 استانبول ویاسا ریده تجارتله مشغول بولنانلرک هر حالده
 کلی ووظیفه وطنیه و عسکریه سی ایفایتمی لازمدر ، انسبدر ،
 فرضدر ، واجبدر . فقط ؛ بو آدملر کله مه مشسه . بو کون بونلر
 یانزده بولونمیورلر . بروطنداش اوله رق اوراده چالیشمیورلر .
 صکره بز لزومی قدر قوت و قدرته مالک اولویوروز . بو آدم
 ملردن بز هیچ استفاد می ایتمه جکمز ؟ بوقطه نظری
 بزده دوشوندک . لازمه انسانیت بونلرکده جلبی آمردر .
 فقط ، جلبنه امکان اولماینجه ، بونلردن نقداً بر استفاد بی
 دوشوندک مدافعه وطن اوغورینه بونلرک نقداً استراکاری
 بر فائده در . بوقائده یا نظریات اوغرنده در ایتمه مچکنه میه
 دیدک ماهیت جلیله قبول ایتمزه او باشقه در . بزجه بویوک
 مصیدر . حدود قوت ممکناته محدوددر . بوقسه غیر
 ممکن اولان بر مسئله ایچون بیهموده یره اوغراشمه یز .
 ضیا خورشید بک (لارستان) - چیه کریدنده

بولتان صاحبان بوور کوبه داخلیدر لر، دکیدر لر؟
 صلاح الدین بک (مرسین) — قطعاً بویه بر شی
 بوقدر . اونلرک بالفعل عسکر در لر . یارالانوبده کری به
 گلشدر وارسه وقابلیت بدنیله لر بوکا مساعد دکل ایسه
 بوذاتا اونلرک مکافاتیدر . اونکچون بوکا محل بوقدر .
 سلیمان سودی بک (بایزید) — افندیلر ! حکومتک
 شمعی به قدر موافق اوله رق تکلیف ایتمدیکی قانونلرک
 برنجیمی بودر . زنگینلرک هیچ عسکره کیتدیکی بوقدر .
 ایکی بوز قویون ویاخود اللی دانه صغیر بسله بور اونک
 بوزرینه عسکره کیتیمور . بوندن دولایه عسکره کیدن
 فقرا قسمی ده رنجیده اولیور . بوقانون بک موافقدر .
 ذاتا بوکیمه بنلر ملتک اک تروتلی اقسامنددر . بونلره
 پدایه اوجیوز ؛ ایکنجیسنه درتیوز ؛ و دیگر قسمه ده
 آلیوز لیرا قدر تقدیر ایدلش . حالبوکه بویک دوندر .
 بوزنکین قسملردن آنان اوجیوزک ، درتیوز ، درتیوزک
 آلتی بوزه ؛ آلتی بوزک ، سکز بوزه ، سکز بوزک ، بیکه
 ابلانفی تکلیف ایدیوزم .
 شوکت بک (بایزید) — حکومتک کوزینه کیرمک
 ایچون بو تکلیف ایدر .

واصف بک (سیواس) — افندیم ! صلاح الدین بک
 (د) فقره سنده خدمت عسکر به عدم قابلیتی اولانلر اخراج
 ایدیلیر دیه ایضاح ایتدیلر . فقط بوراده بر خطا وار .
 خدمت عسکر به عدم قبولی دولایسیله اخراج دیمک
 عسکرک ایله علاقه سی قالیور دیمکدر . اگر احوال
 همیه به بناء تأخیر و تأجیل ایسه که بن اوققره بی ضعیف
 نوریوزم . اگر تأخیر و تأجیل کبی بر شی ایسه اوکا کوره
 تصحیح ایدیلیدر . عدم قابلیت دولایسیله قورتیلان بر
 آدم ایچون اخراج دیمک تمامیه بو آدم قورتولش دیمکدر .
 وقورتیلان بر آدمدن ، مکلف اولیان بر آدمدن پاره
 ایلسته مک حقمن دکدر . (ه) فقره سنه کلتجه : استانبولده
 انز ، قولنز تعمیرور دیه وظیفه وطنیه سنی ایفا ایتمینلردن
 بزیدل قندی قبول ایتدک . هایدی مملکت داخلنده اصرار
 ایتدک و اوغراشدق . وچوق جزالرده بایدق . فقط
 حدود خارجنده بولتان ارباب اسانیدن بو ورکونی المق
 هم عدالته موافق دکدر و همده حکومتک قدرتی تنقیص

ایدر . بوده دنیا ده قبول ایدیله جک بر شی دکدر . بوکون
 انز قلمه یز طومه بورسه یارین طومه جقدر . او وقت
 اونلرک اللرنی قوللارنی قیدارز . هم جزالرنی بریریز ،
 همده خدمت لرنی کوردوریز . شمعی دورسونلر ،
 ضرری یوق . صیراسی کلدیکنده ایجابنه باقارز .
 علی رضا بک (استانبول) — افندیم (د) فقره سی
 حقنده واصف بک افندی به انجمن نامنه برآز ایضاحات
 ویره جکم . (د) فقره سنی لایقیله ایضاح ایچون مکلفیت
 عسکر به قانوننک ۶۹ نجی ماده سنی اوقویه جق اولورسه ق
 بوماده دوضری دن دوضری به ویرکوی عسکر به طأدیر
 فصل اولدیغندن مقصد توضح ایدر . عیناً اوقویوزم :
 ماده ۶۹ — ویرکوی عسکر به به تابع طوتیله جقلر
 بروجه آیدر :

۱ — قرق آلتنجی و قرق سکزنجی ماده لرک برنجی
 وایکنجی فقره لر به یوز آلتنجی ماده نک فقره اخیره سنده
 محزر اولوب فعلاً خدمت عسکر به بی ایفا ایدمه جکلری
 تعین ایدرک مکلفیت عسکر به دن اخراج ایدیلنلر .

۲ — قرعه نومروسی صیره سیله عدد مطلوبدن فضله
 قاهره ق مآذوناً و موقتاً خانلرینه بر اقیلانلر ،
 دیمک که بونلر مؤجلیت عسکر به ویرکوسنه
 تابمدر . و مؤجلیت عسکر به ویرکوسنک بشنجی
 ماده سی اوقونه جق اولورسه هر درلو اساسات بو ماده ده
 مکلفیت عسکر به قانوننک آلتش طقوزنجی ماده سی
 موجبجه تنیت ایدلش و مؤجلیت عسکر به ویرکوسنه
 اخراج اولانلردن کیملرک تابع اوله جفی ، تصریح و تنیت
 ایدلشددر . و بونلردن استثناً ایدیلنلره کلتجه بشنجی ماده نک
 نهایتنده مکلفیت عسکر به قانوننک تیش برنجی ماده سنه
 توفیقاً استثناً ایدیلنلر تصریح ایدلشددر که شمعی ده او ماده بی
 اوقویوزم :

ماده ۷۱ — آلتش طقوزنجی ماده موجبجه
 ویرکوی عسکر به تابع اولانلردن : اولاً تشکلات بدنیه
 و احوال همیه یاخود قوه عقایه سی غیر مساعد اولق حسیله
 بالذات کار و کسبه مقتدر اولما قله برابر قضالری داخلنده کی
 رایج عملی به کوره تفقه لرینه کافی مقدار دن فضله واردات
 سنویه مالک اولیانلر ؛

ثانياً : خدمت عسکریده ایکن ایقای خدمت عسکریه غیرمقتدر حاله کلنلر ؟

ثالثاً : کاروکسبه مقتدر اولوب مکسوباتی قضالری داخلنده کی رایج محلی به کوره نفقه لرینه کافی مقداردن فضله اولماقله برابر ویرکونک ایقاسنی ده تأمین ایده جک درجده وارداتی اولیانلر مذکور ویرکودن معافدرلر. مؤجلیت عسکریه ویرکوسی قانوننک (د) فقرده سی دوغریدن ، دوغری به بو ایکی ماده احکامنی شامل اولسندن دولایی اخراج ایدیلنلرک هیچ بر زمان بو ویرکودن استثناسی ایجاب ایتمز. ویرنلردن بو ویرکویی آلمق غایت عادلانه در.

رئیس -- افندم ! مذاکره نك كفايتمه دائر ایکی تقریر وار .

صلاح الدین بك (مرسین) -- مساعده بو ویرکوز افندم ! استثنای مسئله سی حل اولمشدر. مسئله ماده قانونیه نك عیناً اوقونمسیله آکلاشیلور . بو یالکوز ارباب یساره مخصوصدر . و بناء علیه ؛ محقدر . انجمنك قناعتی و بنم قناعتم بو مرکزده در . تورکیا بو یوک ملت مجلسی حکومتی داخلنده کی محللر اهاالیسندن اولوبده فراری اولمیه رق شمده یه قدر لسب «قطعه سنندن فرارده بنجه عدالتك ، مطابق عدالتك نه اولدیغنی بنده کوز وانجمنك دخی تقدیر ایتمش اولدیغنی بنده کوز وانجمنك دخی تقدیر اولدیغنی هیئت جلیله کزه عرض ایتم . نقصانك تقدیری شهه سز هیئت جلیله کزه عاندر . بوهرشیدن یوکسکدر . یالکوز نظریات حقوقیه ایله مملکت اداره اولونه ماز . ایجاب مسائلی ده نظر دفته آلمق لازمدر . بو خصوصده انجمن فائده مالییه نی نظر دفته آلمق مجبوریتنده بولمشدر . فائده حقوقیه نی مجلس عالییه عرض ایدیور . و عرض ایدن آرقداشلرکده مطالعه سی آکلا یور . بز فعلاً بو منطقه اهاالیسندن اولوب گله بنلر حقنده ویا گله سنده بزم دخی کچیرمه مملکتمز مشکوک اولان برچوق اسباب دولایسیله اقتضا آیمیه جک اولان برچوق قونلردن مملکتك معنا استفاده سی لزومی فائده لی عدایدیور . هیئت جلیله کز نصل تصویب ایدرسه اولیه اولور .

دوقتور فکرت بك (قوزان) -- اموال و املاکی بوراده اولوبده کنیدیسی استانبولده اولانلردن بو ویرکویی ویرنلردن بریسی قالقارده ایکی آی صکره کلیرسه اون آلتی ویا اونیدی تولدیلردن یعنی فعلاً موظف اولسی لازمکلنلردن ایسه نه اوله جقدر ؟

صلاح الدین بك (مرسین) -- حکومت بونلرک عسکره آلمسینه لزوم کوردیکی حالده آور . لزوم کورمزسه آلماز . بو آدم بدلنی ویرر ، حکومتك افرادی کافی اولورسه بوندن مالاً استفاده ایتمش اولور .

خلیل ابراهیم بك (آنطالیه) -- مؤجلیت عسکریه ویرکوسی مجبوریتدر ؟

صلاح الدین بك (مرسین) -- یعنی ویرمزسه نه اولور ؟ دکلکی افندم ! او حالده حکومت بونی اخذ عسکر امرنده قوللانه بیلیر . یعنی مسئله طبیعتیه حکومته طاندر . و اساساً ویریه جک پاره محلی مجلس اداره سنه بر اقلمش که ؛ محلی تقدیر ایسون دیه اونی حکومت تقدیر ایتمشدر . (کافی سسلری)

مصطفی بك (قوزان) -- سنه آتیه به ترک ایدیلنلرک هپسی ضعفیت بدنیله لرینه مبنی سنه آتیه به ترک ایدلمز . اوچ آی ، درت آی ویا آلتی آی بر اقیله بیلیر . بونلر نه اوله جقدر ؟

صلاح الدین بك (مرسین) -- قانونده سنه آتیه به ترک اساسی طوتولمشدر . بزجه اوچ آی بش آی بر اقیانلر ، اوقدر مدتله مأذون دیمکدر . بویه اوافق شیلر حقنده برشی یاییله ماز . ونده بونک امکانی واردر . اونک ایچون اوچ آی درت آی ترک اولتالار حقنده بر شی بو قدر . بز آنجق بلامدت مأذون اولانلردن بو ویرکویی آله جغز .

رئیس -- افندم ! مذاکره نك كفايتمه تقریر وار . برنجی ماده نك مذاکره سنك كفايتمی قبول ایدنلر لطفاً ان قالدیرسون . مذاکره کافی کورولمشدر .

رئیس -- افندم ! قوزان مبعوتی دوقتور فکرت بكك تقریری وار .

ریاست جلیله یه برنجی ماده نك مذاکره سی کافیدر . هر فقره نك

آری ، آری رایہ وضعی تکلیف ایلم .

قوزان ۱ مایس ۳۸

دوقور فکرت

رئیس — حالبوکه برنجی مادهیه عائد تعدیل وطی تکلیفلیریه علاوه تکلیفلیری وار . بونلر هیئت علیه کزه عرض ایدیلوب قبول ویا ردایدلکدن صکره آریجه فقره لک رایہ وضعی ظن ایدیورم ، نظامنامه داخلییه پکده توافق ایتیمور . شوخالده افندم مادهنک فقره لریته تعلق ایدن طی و تعدیل تکلیفلیری هیئت علیه کزه عرض ایده جکم و نتیجه آکا کوره تظاها ایده جکدر . اول امرده طی تکلیفلیری رأی عالی کزه عرض ایده جکم .

ریاست جلیلهیه

برنجی مادهنک [ج] فقره سنک طینی تکلیف ایدرم .

۱ - ۵ - ۳۸ ضیا خورشید

عصمت بک (چوروم) — بو تقریرک علیهنده

انجمن نامه سوز سویله یه جکم .

رئیس — بویورک !

عصمت بک (چوروم) — افندم ! بو فقره نک

طی مسئله سی سهولتله تعلق ایدیله جک بر مسئله دکلدرد .

غایت مهم بر مسئله در . (ب) فقره سنده تأجیل ایدیلور .

(ج) فقره سنده مأذونیت قبول ایدیلور . یعنی بونلرک

وضعیت عسکر به لری تشریح ایدیلدکجه با اهمیت آکلاشیله ماز .

تأجیل نه در ؟ مأذونیت نه در ؟ تأجیل افندیلر ! هم سنلری ،

هم تولد لری سلاح آلتنده بولنا نلردن قانونک معین اولان

ماده لریته استناداً یعنی بر ساحه ده فرض ایدلم غرب

منطقه سنده ، مرکز منطقه سنده هم تولد لیلری سلاح

آلتنده در . و بونلره قانونک تعیین ایتدیکی اسباب دولایسیله

حق تأجیل و برلشدر ، فقط عین صنوف داخاندنه انسانلر

واردرکه باشقه ساحه لرده امثاللری عسکره آلتدینی حالده

او ساحه لرده کیلر چاغیرلما مشدر و چاغیرله دقلرندن

دولای اونلر مأذوندر . دقت بویوریکز . افندیلر ! بوقسم

امثاللری جهه ده ایثار حیات ایدرکن ینه امثاللریته ایثار

مال ایتمک مکلفیتی تحمیل ایدلمکده ایکن دولتک

وسائط نقلیه سنک عدم مساعدنه سندن مدافعه وطن ایچون

مکلف اولان عین تولدی کیمسه لک مساوی صورتده جلب ایدیله مه مسندن دولای کیری قالمش افراده حکومت مدافعه وطنه قرار ویردیکی زمان حدودینک برکوشه سندن تا اوبرکوشه سننه قدر مکلف طوتار . آنجق وسائط نقلیه سی اولمدیضندن برقسم مکلفینی جلب ایدر ، اونه کیلری ترک ایدر . جلب ایتدک لری افرا دک هم سنلری مؤجل اولور و هم عسکر اولور . فقط ؛ دیکر رده مأذون فالیر . اوراده مؤجلیت یوقدر . شمدی سز هم امثاللری ایثار حیات ایدنلره ، هم ایثار مال ایدنلره آغیر بر مکلفیت طرح ایدلم دیورسکز . هم ده اوساحه لرده مملکتک وضعیت جغرافیسی و وسائط نقلیه سی اعتباریله جهه ده ایضای وظیفه ایده مه سنلری ده مالاً خدمتدن منع ایدلم دیورسکز . بو قطعاً دوغری دکلدرد . بونی خس عدالتکزه ترک ایدرم . بوماده چیقیدیغی زمان بو قانون یوقدر . چونکه بر طرفه کیلر هم ایثار مال ایتسون ، هم ده ایثار حیات ایتسون . فقط ؛ دولتک وضعیت جغرافیسی نقطه سندن دولای مأذون منطقه لر افرا دینی بوقانوندن چیقارده لم ، دوغرو اوله ماز افندم .

ضیا خورشید بک (لازستان) — ایضاح ایده جکم

رئیس بک !

رئیس — تقریر کزی ایضاحی ایتمک ایستیمورسکز ؟

ضیا خورشید بک (لازستان) — اوت افندم !

حسیاته بنده کز خطاب ایتمدم . اصل کندیلری خطاب

بویوردیلر . شمدی بر کره تقریر می ایضاح ایدیم . اوندن

صوکره هیئت جلیله کز قراری ویرر . بر کره تأجیل ،

بویوردقلری کیدر . فقط ؛ مأذونیت بویوردقلری کبی

دکلدرد . بومملکتده سلاح آلتنده بولنان افراد ایچون

عمومی بر مکلفیت عسکر به وار . سفر بک اعلان اولنور .

فرضا طقساندن ۳۱۶ تولدینه قدر افراد سلاح آلتنه

آلیرسه بونلرک هپسی عسکر عداونور . فقط ؛ قانون

سلاح آلتنه آلنان افرا دک بر قسمی تأجیل ایدر . مکلفیت

عسکر به قانونی موجبجه ایشه او آدملر مؤجلدر . عین

زمانده ده بر اصول وارددر . بعض افرا ده ده مأذونیت

ویریلیر . هیچ سلاح آلتنه آلنمیان آدم ایسه نه مؤجلدر ،

نده مآذوندر. عسکر دکادر. (کوروتیلر) مساعده بو یوریکز مجلسده عسکری آرقداشلر من سویله سونلر رجا ایدرم . سلاح آلتهدعوت ایدلمین بر آدم نه مؤجلدر؟ نه مآذوندر؟ (امثالی چاغیرلمش سسلری) اقدم مساعده بو یوریکز امثالی سلاح آلته کیرمه مشدر. وسلاح آلته چاغیرلمه مشدر وهم فی سلاح آلتده دکادر . نانیاً کندیلری بردآتره انتخابیه مسئلهسی یایق ایستدیلر . بویله دکادر عرض ایده جکم بونک ایچون بر جوق اصولار واردر . بر عسکرک مملکتی مصیبه دوچار اولدیغی زمان اورانک قوماندانی اورانک افرادینه مآذونیت ویرر . ومماکتلرینه کوندر بر شرق جبههسی منطقهسی عسکرلکک کثیف بولوندیغی بر منطقه در . وهیچ بریده بو قدر مکلفیت یوکه تله مشدر . دها بوندن آتی ای اول اوراده بر جوق افرادی سلاح آلته آلدیلر ، شمدی اوراده او آدملر خدمته مهیادر . ولطفی بکک بو یوردقلری کبی سلاح بدست هر وقت دولتک امرینه حاضر بولندقلری زمان عین زمانده بو آدملره سز الاپاره ویره جکسکز دیرسهک بو آدملرده عسکرلکه کیمکی ترجیح ایدر لرسه نه اوله حق ؟ .

او حالده بو یوریکو ؛ آکلاشیلان پاره آلق ایچون برور کودر . او یله ایسه عسکرلکدن استفاده ایدیلرک یالمله لیدر واسماعیل صبحی بکک تکلیف ایتدیکی کبی قضا ویرکوسی نامیله هر کسدن بو یوریکو آلمیدر . حسیاته خطاب بو یوران اصل کندیلریدر . بنده کز تقریری ایضاح ایتدم اقدم ؛ کافی درجه ده آکلاتدم . (ج) فقره سی موجبجه حکومتجه کوریلن لزوم اوزرینه محملرند ترک ایدیلن ویا جلب اولنیلانلر مآذون ویا مؤجل عد اولنه مآز و کندیلرندن بویله پرپاره آله مآز .

رئیس - اقدم ؛ (ج) فقره سنک طی حقنده لازستان مبعوثی ضیا خورشید بکک تقریرلری وار . تقریر صاحبی نقطه نظر لرینی ایضاح ایتدیلر . موازنه مالیه انجمنی ده مضالعه سنی بیان ایتدی . عین مآله قارص مبعوثی فخر الدین و باطوم مبعوثی فوزی بکک رده تقریری واردر مذاکره ده کافیدر ظن ایدرم . (کافی سسلری) و (ج) فقره - سنک طی حقنده کی ایکی تقریری رایکزه عرض ایدیورم طی قبول ایدنلر لطفاً ال قالدیرسونلر ! . طی تکلیفی

اکثریت عظیمه ایلر د ایدلمشدر . قوزان مبعوثی دو قنور فکرت بک برنجی ماده ده کی (س) فقره سنک طینی تکلیف ایدیور . (س) فقره سنک طینی قبول ایدنلر لطفاً اللرینی قالدیرسونلر! (س) فقره سنک طی قبول ایدلمدی . ریاست جلیله

اشبو قانون ایله وضع وطرح ایدمک ایسته نیلن ویرکو اساساً عسکرلکه مکلف اولوبده بعض اسبابه مبنی موقتاً استئنا ویا تأجیل ایدیلانلره شایان تشمیل اوله بیلوب معلولیتی حسیله اخراج اولندیغندن دولای مکلفیت عسکریه سی ابدیاً مرتفع اولانلردن ویرکو آلماسی عدل حقانیته توافق ایدم من . بناء علیه برنجی ماده ک [س] فقره سنندن (خدمت عسکریه یه عدم قابلیتی دولای سیله اخراج) اولنانلر فقره سنک طینی عرض و تکلیف ایلرم اقدم . قیرشهر صادق

رئیس - بو تقریری قبول ایدنلر لطفاً اللرینی قالدیرسونلر! قبول ایدلمدی اقدم . ریاست جلیله

مؤجلیت عسکریه ویرکوسی قانوننک برنجی ماده سنک (س) فقره سننده کی خدمت عسکریه یه عدم قابلیتی دولای سیله اخراج اولنانلر جمله سنک طینی تکلیف ایلرم . چونکه بو کیلر مادام که صحت و بدناً عسکرلکه مکلف اوله میور او حالده بولردن ویرکو آلمه سی موافق عدالت دکادر . کذا عین ماده نک (ه) فقره سنی تماماً طی اتمه یی تکلیف ایدرم . چونکه تورکیا بو یوک ملت مجلسی حکومتنک نفوذندن قوریتیلانلره بدل نقدی ویرمک حق ویرلمش اولیور که طاعلره چیقانلر ده وسیله ویره جکدر . سیواس مبعوثی واصف

رئیس - سیواس مبعوثی واصف بک (ه) فقره سنک طینی تکلیف ایدیور . قبول بو یورانلر لطفاً اللرینی قالدیرسونلر . قبول ایدلمدی . ریاست جلیله

(ب) فقره سنک اوچنجی درجه ده کی استئنالی میاننده کی اورمان محافظه مأمورلری رینه اورمان معاملات وجبایت

مأمور لرینک اقامه سنی تکلیف ایلم . کوتاهیله
جمیل

(اوچنجی مادهیه عائددر سسلری)

رئیس — جمیل بک ! افندم اوچنجی ماده دهها
مذا کره ایدلهدی .

افندم ! لازستان مبعوثی ضیا خورشید بک برنجی
مادهیه (ل) حرفیله ؛ جبهه کریسنده بولنان ضابطان
فقره سنک علاوه سنی تکلیف ایدیور . بو فقره نك
علاوه سنی قبول ایدن لر لطفال لرینی قالدیرسونلر ! علاوه سنی
قبول ایدلهدی .

ریاست جلیلهیه

برنجی مادهده محرر (مؤجلیت عسکریه) ویرکوسی
تعمیرینک (خدمت وطنیه) ویرکوسنه تابعدر کله سیله
ذکر ایدلسنی تکلیف ایلم .
ارضروم
صالح

عصمت بک (چوروم) — افندم ! خدمت وطنیه
هیچ بروقت ویرکویه اساس اوله ماز . ویرکو ویرکودر .
یعنی بوتکلیف ایله فوق العاده برویرکو وضعی احساس
ایتمک دوغری دکلددر . ویرکولره اساس اوله جق شیلر
خدمت عسکریه وسائر دکلددر افندم .

رئیس — صالح افندینک مؤجلیت عسکریه ویرکوسی
نامنک . . .

صالح افندی (ارضروم) — تقریریمی کیری
آلیورم . . .

رئیس — افندم ! صالح افندی تقریرینی کیری آلمشدر .

ریاست جلیلهیه

برنجی درجه مؤجلیت عسکریه ویرکوسنه تابع
اولانلرک اوچیوز لیرانک آلتی یوزه ، درت یوزک سکرز
یوزه ، آلتی یوزک بیک لیرایه ابلاغی تکلیف ایلم فرمان
بایزید مبعوثی
سلیمان سودی

(اوچنجی مادهیه عائددر سسلری)

رئیس — صیام حالیه رفقای کرام ماده لری شاشدر -

بیورلر ظن ایدرم . بوتکلیف اوچنجی مادهیه عائددر .
ریاست جلیلهیه

برنجی ماده نك (۶) فقره سنک باشنه (کندی منطقه
لرنده کی) افاده سنک علاوه سیله ماده نك :

(۶) — کندی منطقه لرنده کی همسنلری تحت سلاخده

الح . . . « طرزنده تعدیلی تکلیف ایلم . قارص
جاوید

جاوید بک (قارص) — مساعده بیوریرسه کز
معروضاتم بر آز جرأتکارانه اوله جق : چونکه هیئت
عمومیه نك ، انجمنک فکیینه مطابق دوشمیور . فقط ؛
بوراده حقی مداخله ایتمک وظیفه مزدر ؛ بنده کز اونقطه
نظردن سوبلیورم : انجمن هیئت عمومی سنی اعتباریه
هم سنلری سلاح آلتنده بولنانلردن بویر کوی آلمق ایسته یور
بو ، قاعده دوغری و موافق ایسه ده ؛ وظیفه وطنیه سنی
حرب میداننده ایفا ایتمش اولانلردن ؛ بوندن اوچ آی
اول ، بش آی اول ، یدی آی اول حرب ایتمش ، شهید اولمش
ویارالانمش اولانلردن ، وظیفه وطنیه سنی ایفا ایتمکی
حاله تکرار بویر کوی آلمق ایسته یورز . حالبوکه اولنر ،
هم سنلرینی سلاح آلتنه چاغر مدیغمزدن و محاربه یه سوق
ایتمدیکمزدن دولایی محللرنده دور بیورلر . مأذونده
دکلددر ، مؤجلده دکلددر . . اولنری چاغیرک اگر
بردانه سی گلزسه اعدام ایدیکز . یوقسه کندیلرینی جبهه یه
چاغر مدیغمز حالده اللرندن بولله برپاره آلاماز دوغری
دکلددر ظن ایدرم . اونک ایچون هیئت علیه کزه عرض
ایدیورم وضعیت بودر : اولنر وظیفه عسکریه لرینی کندی
منطقه لرنده ایفا ایتمش لردر . ایسترسه کز بورایه ده چاغیرک !
صالح الدین بک (مرسین) — افندم ! جاوید بکک
افادانه قارشی ایکی کله سوبله مک ایسترم . شرق جبهه -
سنده قارص حرکاتنه اشتراک ایدن برچوق افراد بورایه
کلوب درت آی مأذون قالدقدن صکره تکرار خدمت
مقدسه عسکریه لرینه کیتمشلردر . بر طرفدن برقطه نك
افراد یی جبهه ده دیگر طرفدن عین قطعاتک افرادی مأذون
اولدینی زمان شواوفاق بر مکفیت بدنیه تقدیه قطعاً چوق
بر شی دکلددر : معقولدر ، عادلدر . و اساس اعتباریه

وطن ؛ حدود ملکتن عبارتدر ؛ منطقه یوقدر .
(بر او و صدالری)

(قارص مېوٹی جاوید بک تقریری تکرار او قوندی)
رئیس — جاوید بک تقریری قبول ایدنر لطفاً ال
قالدیرسونلر . قبول ایدلدی .

افندم باشق تکلیف دی یوقدر . شوخالده برنجی
ماده بی رأیکزه عرض ایدیم . . .

افندم ؛ بر تکلیف دها کلدی . قوزان مېوٹی دو قور
فکرت بک فقره لده داخل اولدینی حالده برنجی ماده ن
طیی تکلیف ایدیور .

دو قور فکرت بک (قوزان) — افندم ! بوماده دن
مطلوب اولان تاثیر بند کز . کلایه مادم . چونکه

(د) فقره بند خدمت عسکریه عدم تابعی دولایسینه
اخراج اولنانلرله ضمیمت بدنیله مینی سنه آتییه ترک
ارلانلر لده بور کوبه تابع اولدینی مذکور . . .

حالوکه جناب حقت او قابیلی ویرمذکی رآمدن برنصل
ویرکو آله جغز ؟ (بویا لرک ارباب یسارندن سسلری)

ارباب یسارندن اما ؛ او کاعانددر . رچوق ماده لروارددر .
مکلفیت عسکریه قانوننده واددر ؛ وطن مدافعهنه
قوشه جق اولان آدملرک وجودینک مساعد اولمسی شرطدر .

(پارسی مساعدسه سسلری) پارسی مساعدسه اونره
عاندده آیروجه ماده لر وار . زراعت اربابی وار ، مواشی
اصحابی وار الخ . . . بونلردن بو ویرکو آله بیلیر .

رئیس — افندم ؛ برنجی ماده نک طینی قبول ایدنر
لطفاً اللرینی قالدیرسونلر ! طی قبول ایدلدی .

برنجی ماده بی عیناً قبول ایدنر لطفاً اللرینی قالدیرسونلر !
اکثریت عظیمه ایله برنجی ما عیناً قبول ایدلدی .

ماده ۲ -- (آ) فقره سنده کی استثناییت اربابندن ؛
معاش اصلیلری ایله تخصیصات فوق العاده لرینک یگونندن
شهری یوز غمروشدده برغموش آلیر ، وکسورات یوز
غمروش اعتبار اولنور . یومیه ویا اجرت ویا عائدات وخصصات
آلانلر عین معاملیه تابعدر .

رئیس — ایکنجی ماده حقدده سوز ایستین وارمی ؟
(خایر سسلری) ایکنجی ماده حقدده سوز ایستین

یوق تمدیل وطنی تکلیف لری ده یوق . ایکنجی ماده بی عیناً
قبول ایدنر لطفاً اللرینی قالدیرسونلر ! ایکنجی ماده
عیناً قبول ایدلشدر .

ماده ۳ -- (ب) فقره سنده کی مؤجالر ویرکوا اعتباریه
اوج درجه یه تقریق اولنور .
برنجی درجه :

عسکری ارزاق و لوازم متعهدلری
زراعت اربابی

مواشی و حیوانات اصحابی
اعشار و رسوم بلدییه ملقرمزدن معین دیوز سو و برنلر .
وسائط نقلیه و پوسته متعهدلری

شرکتلرک مدیر ، محاسبه جی و فن مأمورلری و امثالی
ایکنجی درجه :

مطوعات منتسبینی ایله مرتب و ماکیستلر .
احتیاج ملکته بنه اراقیلش ذکر منجی و فرومچیلر
وصنعتکارلر .

وسائط نقلیه و پوسته سو روچیلری و نقلیه قوللری
افراد مؤجله سی

اجرتله حکومته نقلیاتده بولنان و سائط بحریه اصحابی
اوراق و خرمن ماکیستلری

عمومی و خصوصی خسته خانه لرله هلال احمر مستخدمینی
قیر بدچیلری
اوجنجی درجه :

بویوک ملت مجلسی اقلیمی کتبه سی و مطبعه سی
مستخدمینی

مکتب و مدرسه معلملری
صحیه مفتشی و مملکت طیبی و اجزاجیبی و بیطری
بلدییه مِماری

ایکنجی صنف احتیاط ضابطانندن و یا مأمورین
عسکریه دن عدم احتیاجه مینی مأذون براقیلانلر .

کوچوک صحیه مأمورلریله بلدییه آشی مأمورلری .
ژاندارمه صورتیه مؤجل رسومات و دیون عمومیه و مملحه
قولچیلری و محافظه مأمورلری . لیبان سچاوشلریله رفار
نار دیانلری .

اورمان محافظه مأمورلری .

تابع طوئلسی ظن ایدرم که بر آرز آغیر اولور . و اساساً بویله مطبعه مستخدمینتک معاشرلی احزت و یا بومیه کبی خصوصاتی چالشدقلمی مؤسسه لرحه معلومدر . ماه بماه او مؤسسه لردن ۳ نجی درجه موجبجه - ویره جکلری پاره لری کسمک امکائی واردر . بناه علیه بنده کز ایکنجی درجه ده بولنان مطبوعات مرتب لری نك بویوک ملت مجلسی مطبعه سی مستخدمینی کبی اوچنجی درجه دن عداولتسنی تکلیف ای دیورم .

علی شکری بك (طربزون) - اقدام بنده کزده بونقطه ایچون سوز آلمشدم . شکری بك لازم درجه ده ایضاحات ویردیلمر . وفقه یالکزم مرتب وما کنیستلردن بحث ایستدیلمر . مطبوعات منتسبینی ، ظن ایدرم ، مرتب و ما کنیست معاشرندن فضله بر معاشه مالک دکلمر . بلکه ده معاشرلی؛ دهها دون بر درجه ده در . صکره مجلس عالی کز مملکتده مطبوعاتک تعمیمی ایچون بر قانون یایمشدی و مطبوعاته لازم اولان لوازمی ، کاغذ وسائر کبی اشیائی ده بوصورتله کمرک رسمندن عفو ایتمشدی . بو ، غایت دور اندیشانه یایلمش و مملکتک منافعه موافق بر شکلدی . شمدی مطبوعاتک ایندیله مسی یالکزم کاغذ وسائر لوازمک کمرک رسمندن عفو ایله اولماز . مطبوعاتده کمرک فکری و کمرک بدنی ایضای خدمت ایده جکلرکده مظهر حمایه اولسی ایجاب ایدر . آرقداشمز ، مطبوعات مستخدمینی آره سنده الک یوکسکک معاش آلانلر مرتب لری اولدینی حالده آقره ده بر سر مرتبک اعظمی اللی لیرا آلدیغنی سویله دی آقره نك معیشتنده کی یوکسککلر نظر اعتباره آله جق اولورسه بو اللی لیرا ایله بو آدم لری ظن ایدرم ، بك کوچ دار کچینورلر . و بونلری فضله تضییق ایتمکده ظن ایدرم که موافق دکلمر . ذاتاً بوقانونک بنده کزکده امضا ایستدیکم ایلك شکنده مطبوعات مستخدمین و مرتب لری اوچنجی درجه ده ایدی . صکره ده ایکنجی درجه ده چیقارلشلردر . بنده کز ۳ نجی درجه ده نقلاری تکلیف ای دیورم .

محی الدین بها بك (بروسه) - مملکت مزده مطبوعاته اتسباب ظن ای دیورم که : بر فداکارلق دیمکدر .

بولردن برنجی وایکنجی درجه ده بولنانلر محلمری مجالس اداره سنجه حقیقی ثروت و استطاعتلرینه کوره بروحه آتی تمیین اونه جق ویرکوی سنوی به تابعدرلر :

برنجی درجه : ۳۰۰ - ۴۰۰ - ۶۰۰ لیرا

ایکنجی درجه : ۵۰ - ۱۰۰ - ۱۵۰ لیرا

اوچنجی درجه : استثنائت اربابی کبی معاش ویا بومیه ویا اجرت ویا خود طائدت و مخصوصات اوله رق آلدقلمری مبالغت شهری یوز غرو شده بر غروشی .

رئیس - اوچنجی ماده حقنه سوز ایستین وارمی اقدام ؟

محمد شکری بك (قره حصار صاحب) - اقدام ! اوچنجی ماده نك فقراتی نظر دقتدن کچیرلدیکی زمان کوریلور که : مطبوعات منتسبینی ایله مرتب وما کنیستلر ایکنجی درجه ده داخل اولمشدر . حالوکه ۳ نجی ماده نك برنجی فقره سنده « بویوک ملت مجلسی اقلامی کتبه سی و مطبعه سی مستخدمینی ... » دینیلور . رجایدرم ایکنجی درجه ده کوستریلن بر مطبعه مستخدمینی ایله اوچنجی درجه ده کوستریلن مطبعه مستخدمینی ایچون آری آری درجه قومق دوغریمیدر ؟ موافق عدالت میدر ! بنده کز مطبوعات مرتب لری نك و منسوبینتک بویوک ملت مجلسی مطبعه سنده چالیشانلر کبی اوچنجی درجه ده بولتسنی موجب عدالت کور یورم . چونکه اساساً مطبوعات مرتب لری جوق پاره آلان اسنانلر دکلمردر . اعظمی قازانجلمری ۳۰ - ۴۰ و نهایت الک یوکسککک بوراده آلدیغنی پاره ؛ اللی لیرادن عبارتدر و بوده آقره ده مخصوصدر . دیگر لوالرده ، ولایتلرده کی مطبعه لرده چالیشان مرتب لری اعظمی قازانجلمری ۶-۷-۸ لیرادر .

بنده کز قره حصارده کی مطبعه مده چالیشان مستخدمینک بکون بومیه لری ۶ لیرا ، ۸ لیرا ، اون بش لیرا ایدی و یالکزم سر مرتبک یکر می بش لیرا ایدی . (سنه لکی می ؟ سسلری) خایر اقدام آیلغنی . . . شو حالده آیده نهایت اوده آقره ده مخصوص اولمق اوزره اللی لیرا قازانه بیان بر مطبعه مستخدمینک ؛ ایکنجی درجه موجبجه اللی لیرادن یوز اللی لیرایه قدر بویوکوبه

باشقه مملکتلرده مطبوعات منتسبینی یالکز کنترلینک دکل ، اولاد و عیاللرینک واحفادلرینکده رفاهلرینی تأمین ایدر . حالوکه ؛ زده بیلیر سکره که : آنجق کندیلری یاشایه بیلیر . مرتبلر ، قازاقلق یرلرده آنجق کندی مئیشتلرینی تأمین ایدم بیله جک قدر ، آز برپاره ایله چالیشیرلر . بناء علیه ؛ مرتبلردن ومعاشی ۳-۴ بیک غروش اولان محررلردن اللی لیرا ، یوزلیرا ، ایکی یوزلیرا ویر کوآله یی بنده کز فضلہ کورییورم . صکره سکرکی بککده اشارت ایتدیکی وجهله ، بویوک ملت مجلسی مطبعه سی مستخدمینی ایله خارجه ده کی مطبوعات منتسبینی ده آیرمقده برعدالت کورده مکده ایم . کذا اوراق وخرمن ما کینستلری بونلرده مئیشتلرینی آنجق االدقلری اجرتهله تأمین ایدم بیله جک آدملردر وعددلری ده پک آذرر . قیر بکجیلیری ، عمومی و خصوصی خسته خانلر وهلال اهر مستخدمینی ده ایکنجی درجه یا ادخال ایدلمش ، حالوکه ۳ نجی درجه ده محیسه مقتنی ، مملکت طیبینی ، اجزاجیسی ، بیطری موجود بولندی و بونلر (۵۰ - ۱۰۰) لیرا ایله مکلف اولمدقاری حالده بیلیم که زواللی خسته خانه مستخدمیندن (۵۰) لیرادن (۲۰۰) لیرا یه قدر باره اقمقن مقصد نهدر ؟ بناء علیه مطبوعات منسوبینی و مرتب وما کینستلر ، اوراق وخرمن ما کینستلری عمومی وخصوصی خسته خانلر ، هلال اهر مستخدمینی وقیر بکجیلیرینه عائد فقراتک اوچنجی درجه ده کی احکامه تابع طوتلرینی تکلیف ایدیورم .

صلاح الدین بک (مرسین) — قیر بکجیلیری کیمدر ؟ بیلور میسکز ؟

طورسون بک (چوروم) — اوچنجی ماده ده تفصیلاً کوستریلن مسئله اوزرنده بعض مهیمیت واردر که بو حل ایدیله منز . برچوق تشوشانی موجب اولور . مثلاً اوزاق ولوازم متعهدلری . بونلر نه درجه یه قدر تعهد ایدیورلر . ونه درجه یه قدر تمهد ایدم بیلورلر ؟ تعهدلرینک مقداری نهدر ؟ نه کی شیلری تمهد ایدر لر سه بونلر مؤجل اولور ؟ بونلر طبیعی تصریح ایدلمز سه بر چوق سوء استعمالته میدان ویرلمش اولور . بناء علیه بو جهتی ده شمیدن تثبیت ایتک لازمدر . زراعت اربابی دینیور وزراعتی ایکیه آیریور . بالواسطه زراعت ، بلاواسطه

زراعت . بالواسطه زراعتده چوق سؤاستعمال اولور . سفر برلکده صامسونده زراعتله علاقہ سی اولیانلر تا مملکت آشری ۸ - ۱۰ کونلک یردن کندیلرینی زراعت کوستردیلر . صکره بوضورتله مؤجل اولدیلر . بالواسطه زراعت قسمی کاملاً قالدیرمیلی یالکز بالذات کندیسی چفتله چبوغیله اوغراشان کیمسه لر تأجیل ایدلیدر . صکره پک چوق سؤ استعمالته میدان ویرلمش اولور . صکره اعشار وبلدیہ رسومی ملتزلردن معین دیپوزیتو ویرنلر ، اگر بوندن مقصد بو قانونک نشر نان اول رسوم بلدیہ التزامی آلمش ایسه بالطبع مؤجل اولسی لازمکیلر . اگر بوندن صکره بر طاقم شیلر آله جقسه ، بر چوق کیمسه بن شو شیئی التزام ایدم جکم دیه شمیدن پاره لیرینی ویرنلر ، التزام ایدیله جک شی بردر . حالوکه ۸۰ - ۹۰۰ دانه طالب چیقار . دیپوزیتو ویریر . مزایده ، مزایده مناقصه ، مناقصه بر قمار اوینار کبی دیگرینک اوزرنده قالیر . دیگرلرینی نه یاپه جغز ، پاره لیرینی آلاجقمی یز ؟ بورالری راز مشوش بر شیدر . بونی ده تصریح ایتلیدر . شرکتلرک مدیر و محاسبه جیسی .. فن مأمورلری وامثالی بونلر هانسی شرکتلردر . تجارت قانونا مه سنده معلوم ومعین شرکتلر واردر . او شرکتلرخی ؟ یوقسه بر قاچ کشینک آرا لرنده وجوده کتیر دکلری آنونیم شرکتلرندن غیر ی برشمیدر . شرکتلرک محاسبه جیلری مدیرلری نهدر ؟ وامثالی هانکیلر . یدز . بونلر مهمدر . سوء استعمالته میدان ویریلیر . بونلر تصریح ایدلیدر . برنجی درجه ده کوستریلن مؤجلیتلر حقنده عرص ایتمش اولدیغ محذورلر نصل وارد ایسه ایکنجی درجه ده ده عن محذورلر واردر . بناء علیه بوزالری شمیدن ایی تثبیت ایتک لازمدر . یوقسه آله . بیلدیکنه سوء استعمالت کیدر ، بوندن نه خزینه ونه ده حکومت مستفید اولور .

بصری بک (قره سی) — اقدم ! شمیدی یه قدر قبول ایتدیکنز قانون ماده لرندن ظن ایدرم ، دها اوزون اولان بو ماده قبول ایدیله جک درجه ده بسیط بر ماده دکلدر . اوزون اوزادی یه دوشونک و اوزون دوشونجه لردن صکره حکم موزی ویرمک لازمکیلر . رفقای محترمه دن بعضلرینک تماس ایتدیکی وجهله کرک درجه لر آره سنده

و كرك صنوف آرهنده بر مناسبت و عدالت كوره ميورم .
 نيامم انجمنلر و يا خود انجمن (۳۰۰) ليرالري ، (۴۰۰)
 ليرالري ، (۶۰۰) ليرالري زده دن چيقار ميور ؟ هانكي
 اساس ساله ، هانكي مقاشه كوره حساب ايدرك بونلري
 قانونه وضع ايتمش ؟ افنديلر ! برنجي صنف ميانه ادخال
 ايديلن ذراعت اربان واركه بوندن مقصد ايكي بوزد و نملك
 زر عيات پايانلر اولديجي جدولده مصر حدر . بن شرائط
 حاضره دائره سنده زر عياتدن چفتجیلرك مهم بر فائده
 تأمين اينديكنه قانع دگم . عكسني ادعا ايدنلر كلسون .
 بوراده اثبات اقسونلر . مواشي و حيوانات اصحابي ده
 برنجي صنفه ادخال ايدلمش (۳۰۰) دن (۶۰۰) ليرايه
 قدر كندلرينه برشي تحصيل اولنيور . رجا ايدرمل مواشي
 و حيوانات اصحابي زمان ، زمان پايان بر طاقم . لسز معاملات
 ايله بر طاقم قانونلر ايله عجباً آزمي خير پالاندي ؟ يوزده
 فرق وضع يد ايتمش ، صكره فضله رسم آلمق و بونكله ده
 اكتفا ايمهرك تقصيللري حذف ايدرك بكيدن آلمق كي
 معاملات ، مواشي و حيوانات اصحابي ارتق اوصاندير .
 مشدر . (دوغري سسلري) « اعشار و رسوم بلديه ملتزم
 ملرندن معين ديپوزيتو و يرتلر ... » افنديلر ! ديپوزيتوي
 ديرر ، فقط ؛ تصور ايديكزكه : انك اوافق بر ناحيه ده
 بلديه مالك اوافق بر قصبه ده بولنان ملتزم عجباً (۳۰۰)
 ليرادن (۶۰۰) ليرايه قدر بر پاره ي ويره بيورومي ؟
 كرك بلديه رسومي ملتزملي و كرك اعشار ملتزملي
 و يرر سه بو پاره ملتزمك كيسه سندنمي چيقار ؟ بوقسه
 زواللي اهل ايدنمي چيقار ؟ اعشار ملتزملي ذاتاً دائماً
 اعشار اصولنك سقامتندن دولاي عشرى فضله سييله
 ضيف اهل بدن آلمقده در .

شكري بك (بولي) — اونلر كچمش شيلدر .
 شمدي اهالي آدمه اون پاره و ير ميور .
 بصري بك (دوامله) — اويله ايسه كويلوي بيله بو-
 رسكز . افنديلر ! اكر بونلردن برويركو آلمق ايسته يور -
 سه كز و عدالتي ده محافظه ايتك ايسته يور سه كز بو برنجي
 درجه ده صايدنيم قلملري ، صايدنيم صنفلري ايكننجي
 درجه ده تنزيل ايديكز . و اوكا كورم اونلردن برويركو

آليكز . بلكه بو صورتله معتدل برشي پايتمش اولور سكره .
 صكره ايكننجي درجه ده مطبوعات منسوييني ايله مرتبه ،
 ما كينستلر موضوع اوليور . و بونلره (۵۰ دن ۱۵۰)
 ليرايه قدر برويركو يوكله تيليور . افنديلر ! مطبوعات ،
 مطبوعات منسويينه ، مطبوعات ما كينستلرينه مطبوعات
 مرتبينه ، مطبوعات عمله سنه دنياك هر طرفنده هر نوع تسهيلات
 كوستلديكي حالده بزده بوقانون ايله ملا يطاق بر ماهيته ده
 تكليفه بولمق ظن ايدرمل خطا اولور ، دوغري اولماز
 بونك ايچون مطبوعات منسوييني ايله مرتبلك هر حالده
 اينديرلمسي لازم ايسه اوچنجي درجه يه اوچنجي نوعه
 اينديرلمسي تكليف ايدنيورم . صكره « اوراق و خرمن
 ما كينستلري » بونده صراحت يوقدر . عجباً اداره
 خصوصيه لره عائد اولان اموالك ما كينستلر ايدر ، بوقسه
 اشخاصه عائد اولان ما كينه ما كينستلر ايدر . بن هانكي
 ما كينهك ما كينستي اولور سه او مملكتده ما كينستلرك
 مقداري قليل اولسنه نظراً و مملكتك مستحصل طبقه سنه
 انك فضله منقبت تأمين ايدن بر صنف بولنسنه كوره هر حالده
 ما كينستلرك اوچنجي درجه يه اينديرلمسي تكليف ايدرمل .
 صكره عمومي و خصوصي خسته خانه لرله هلال احمر
 مستخدميني و قيربكچيلري كي قلملرك ، ايكننجي درجه يي
 اشغال ايتسنه حقيقه كولمكدن بشقه برشي پايتمق قابل
 دكلدر . رجا ايدرمل خسته خانه لرك مستخدميني (۵۰ دن
 ۱۵۰) ليرايه قدر پاره يي نصل و يره بيور ؟ اداره خصوصيه لره
 تابع و مربوط اولان خسته خانه لرك مستخدميني قاچ
 غروش آليركه سنه ده اللي ليرادن بوز اللي ليرايه قدر
 پاره و يرمك قدرته مالك اولسون ؟ ... اساساً معاش
 و يا تخصيصاته تابع اولان بو قويل مستخدميني ، اكر
 لازمه ، اوچنجي درجه يه اينديرمك اولويتيه ضرور ايدر .
 چونكه اساساً بونلر معاش و تخصيصات آلمقده درلر .
 قيربكچيلري .. بونك حقتده هيچ برسوز سويله مكه لزوم
 كور ميورم . قيربكچيلرندن ۵۰ ليرادن ۱۵۰ ليرايه قدر
 برويركو آلمق ظن ايدرمل برضيه در ، برضيه در .
 حسين عوني بك (ارضروم) — سبي وار : اونلر
 اهل ثروتدر ، كويك آغال ايدر .

بصری بك (قره سی) — صوكره برنجی درجه
ویركوسی ایله ایکنجی درجه ویركوسی آره سنده وحد
اعظمی ایله حد اصغری مقدار لری آره سنده بن هیچ
برنسبت معقوله کور میورم . انجمن محترم بو خصوصده
نیه استناد ایتمک لری سوبلر لسه طیبی استفاده ایدر!
آکلارز . بو ماده اوزون اوزادی به تدقیق ایله جک
بر ماده در .

صلاح الدین بك (مرسین) — افندم! اوچنجی ماده
حقنده اعتراضده بولان ذواتک در میان بو یوردقلری
نقطه لره برر برر جواب ویره جکم: « مؤجل صورتیه
خدمت عسکر به دن استننا اولانلر . » بو تصنیف اوچ نقطه
نظرله یعنی اوچ اساسله یانمشدر . برنجی درجه بی تشکیل
ایدن ذوات کاملاً اهل ثروت اولانلردر . عسکری ارزاق
و لوازم معهدلری ، زراعت اربابی مواشی و حیوانات
اصحابی ، اعشار و رسوم بلدییه ملتزم لردن معین دیوزیتو
ویرنلر ، وسائط نقلیه و پوسته معهدلری ، شرکت آدملری
بونلرک هپسی معین بر قدرت مالیه ، استطاعت مالیه
اصحابیدر . یالکیز آرقداشلر مزدن بعضیلری بونلر نه صورتیه
مؤجل اولیور . بوراده ایضاحات یوق دیورلر . افندیلر!
مقرر اته موقتاً مؤجل اولانلر مکلفیت عسکر به قانوننک
۹۰ نجی ماده سنک ویرمش اولدینی صلاحیتله مدافعه ملیه
و کالتی طرفدن تأجیل ایتمیشدر . او قانون موجبنجه
مدافعه ملیه و کالتی صلاحیتلردر . قانوناً مؤجل اولانلری ده
ذاتاً سنز ۹۰ نجی ماده ایله تعیین و تصریح ایتمشکنر .
بوراده اسملری یازلمش بولان ذواتک هانکی اوصاف
و هانکی قابلیتیه مالک اولدینی کندی دائره لرنده معلوم
و مقیددر . بوراده اخذ عسکر قانوننک یکیدن شیشینی
تکرار ایتمک صورتیه ایضاحات زانده اعطاسنه انجمن
لزوم کورمه مشدر . ذاتاً جدوله باقیلیرسه بو ویركوسی
ویرنلر مثلاً ملتزم اوله رق معین پاره براقانلر دینیور .
بونلر شمعی به قدر مقررات حکومتله بالفعل بو وظیفه بی
ایضا ایدنلردر . بونلر کذا صلاحیت قانونیه سنه بناء
مدافعه ملیه و کالتجه تأجیل ایتمیشلردر . صکره
بو یور دیورلر که عجباً برنجی درجه ایچون قونان مقیاس

معقول بر مقیاس میدر ؟ و انجمن هانکی نسبتلری
کوزتمشدر ؟ . . . افندیلر! بر دفعه اوکمزده معین نسبتلر
وارددر . بدل تقدی ایچون هیئت علیه کزجه اورته یه
قونمش برنسبت وارددر . فقط ؛ بدل تقدی ویرنلر تمامیه
سر بستدرلر . حالبوکه مؤجل اولانلر معین شرائطی حائز اولوق
دولایسیله دولتجه تأجیل ایدنلردر . بونلری اونلر قدر
مکلف طوتمق ظن ایدرم ، عقلاً ، منطقالاً ، حکمه موافق دکلدر .
بوسایدن آندن برازا کسیکدر . بوسبیله انجمنک تعیین
ایتدیکی مقدار ۳۰۰ لیرادن ۶۰۰ لیرایه قدردر . . .

سلیمان سودی بك (بایزید) — آذرر .
صلاح الدین بك (مرسین) — مملکتده ارباب ثروتک
کمی درجه سنی تعیین ایتمک خصوصی ده محملاری مجالس
اداره لرینک تقریرینه براقلمشدر . بناء علیه انجمن هانکی
ذهنیتله بونی یانمشدر دینیلیرسه مملکتک وضعیتیدر . برده
قانونلرله تعیین ایدن امثاللردر . انجمنک تعیین و تقدیر
ایتدیکی مقیاسلر بودر . آرقداشلر مز بلکه دهایی بر
تقدیر قویارلر . فقط ؛ بزجه اک مصیب اولان بودر .
بو کبی مسائل تقدیری و وسطی اوله رق قونور . و انجمن
هالیکزک قویمش اولدینی بو اساسده ، بو نقطه دهدر . یعنی
معافیت عسکر به قانوننک مقادیریدر . ایکنجی درجه
مطبوعات منسوبینی ایله مرتب و ماکیستلر ، احتیاج مملکتیه
بناء براقیلان دکرمنجی و فرونجیلر و صنعتکارلر ، وسائط
نقلیه و پوسته سوروجیلری نقلیه قوللری افراد مؤجله سی
وسائر کبی عیناً موجود اولانلردر . انجمن بونده شونی
دوشومشدر: « اصحاب یساردن و اصحاب املاکن اولمایوبده
اهالینک منفعتی ایچون و یا خوداردونک منفعتی ایچون محملارنده
سربست براقیلمش اولانلر . » بونلر عین زمانده کندی
منفعتلری ده تأمین و بالنفس استفاده ایدیورلر .
بو نقطه نظر دن بونلر ایکی صورتله قزانیور . یعنی
بونلر ارباب حرفت و صنعتدر . بناء علیه ؛ بوراده مطبوعات
منسوبینی دیورز هر هانکی بریده غزته چیقاره جیم
دیور مآذونیت آلیور . و خدمت عسکر به سنی ایفا ایتمیور .
واوغزته سندن استفاده ایدیور . دیمک که اولا وظیفه
عسکر به سنی ایفا ایتمیور . (کورولتیلر) بنده کز ایضاح

ایده‌یم ، هیئت حکم در ... ثانیاً غزته‌سندن استقاده
ایدیور. بناءً علیه بورادما یکی درلوسی واردر . حالبوکه
اوجنجی درجه ایله تعیین ایندیگمز مکتب ، مدرسه
معلمری ... یعنی نسبتاً مملکتک منافعی ایچون دها
زیاده وجودلری ضروری اولان وعلکتده پک آز برپاره
قازانه بیله جک اولانلر اوجنجی درجهیه ادخال ایدلشدر.
مع هذا هیئت جلیله مطبوعات حقنده برتوجه کوسترده
اوجنجی درجهیه ایندیرر . بالطبع حکم در . بوراده اساس
اولان مسئله کندیلری بالذات هم خدمت عسکریه دن دوضریدن
دوضریه معافیت تأمین ایدیورلر . ثانیاده اولرینک
بارقلرینک باشلرنده بولنیورلر . بونلرک ایچریسنده اصحاب
یسارده واردر . مثلاً صاحب امتیاز ، محرر وسائرصورتلرله
آزویاچوق بر مکلفیته تابع طوتولملری ضروریدر . بونلرک
ایکنجی صنفه ادخالنه سبب بودر .

محمد امین بک (اسکیشهر) — اردومزی یاشاتان
زراع حقنده نه دوشونیورسکتر ؟

صلاح الدین بک (مرسین) — اردویی یاشاتان
زراع . مملکتک زراعتی تأمین ایچون حکومت لازمه
بر ایکی صنفی مآذون عد ایدر ، لازمه بر ایکی زراعت
طابوری کوندرر ، نه یاپار ، یاپار . بونلر مملکت مسئله .
سیدر . بو حکومتک نظر دفته آلهجفی بر مسئله در .
بوراده بزم اونلر حقنده سویله جگمز بر شی یوقدر .
یعنی دولت افرادینی سلاح آلتنه دعوت ایندیکی زمان
مملکتده زراعتک قورومامسی ایچون معین صنفلری سلاح
آلتنه آلیر . مثلاً بوکون بالعموم ارباب اسنان ، حتی
هرکس سلاح آلتنده دکدر . ایشته بو بودر و بوندن
فضله زراعت یابه جقلری دولت استثنا ایدیور . واونلر
ایچونده ویرکو قویور . اوراق خرمن ماکنیستلری ..
بونلرده اوجنجی به کچه بیلیر . فقط ؟ بزم بوندهده
دوشوندیگمز شودر . بونلرهم بر تمتع الده ایدیورلر ،
همده مکلفیت عسکریه ایله علاقه لری قالیور . یعنی سربست
تجارت ایدیورلر . بوجهته بونلر دیگرلرینه بکزه تیلمه -
مشدر . فقط ؛ هیئت علیه کز حکم در . صکره قیربکجیلری
دیفور . اولجه بزونی دوشوندک حتی اوجنجی به قومعشوق .

فقط ؛ افندیلر ! حقیقته قیربکجیلکلرینی یاپانلر اصحاب
یساردر ، کویلرک آغازیدر . (خایر خایر سسلری) بزم
بیلیدیگمز بونلدر . قیربکجیلکنی ایفا اتمک بهانه سیله
کویلرنده قالانلر کافی زراعتی وکافی املاکی اولانلردر .
بونلرک دشخی ثروتلرینه کوره ویرکو ویرملری طبیعی در .
یوقسه قیربکجیلکلرینی یابه جقلر . ۱۸ و ۴۸ یاشنده
اولانلرک خارچنده کی آدملردن اولور . وپک اعلا یاپارلر ،
مملکتده آدم یوق دکدر . یعنی مکلفیت عسکریه دن
قاچماسنه میدان ویرمه منک ایسته دک .

حسین بک (العزیز) — قیربکجیلری دیمک بزده
قوروجی دیمکدر . اک آشاغی طبقه در .

صلاح الدین بک (مرسین) — اوجنجی به کچه جک
اولورسه انجمن معارض اوله جقدر .

حلمی بک (بولی) — آشاغی طبقه یوق ، ملنک
ایچریسنده .

صلاح الدین بک (مرسین) — صکره افندم! عمومی
وخصوصی خسته خانه لرله هلال احمر مستخدمینی بویوردیلر .
بونلرده اوجنجی به آله بیلیر . یعنی هیئت علیه بونلر
حقنده برجیله کوستره بیلیر . فقط برچوق ذوات بوندن
استفاده ایده جکدر . حالبوکه بو خدمتی ایفا ایده جکلر
هنوز سن مکلفیته کیرمه مش ویاخود مکلفیتدن چیمش
کیمسه لر اولمالیدر ، امثالی سلاح آلتنده بولنانلردن
خدمت ایدنلر محدودومعدود اولمالیدر . ومحدودومعدود
اولانلردن یعنی برقاچماق بولی بولماق ایچون کدوغری
بر ترتیدر . لکن هیئت علیه کز حکم در . یالکز بوراده
برکله علاوه سنی رجا ایده جکم : عمومی وخصوصی خسته -
خانه لرله شمدوفر مستخدمینی بونلر عین شرائطی ، عین
حالی حائردرلر .

افندم! اوجنجی درجه حقنده آرقداشلر مزباشقه برشی
سویله مه مشلدر . بنده کز بونی کچورم . زراعت اربابی
حقنده چوروم بمعونی طورسون بک برادرمن برشی
سویله مشدر . اساساً بودر دنجی مادهیه عابد بر مسئله در .
صکره شرکت مأمورلری وسائر قانوننده مصر حدر .
هانکی آدملرک افراد مآذوندهن ویا افراد مؤجله دن

اوله جتی کیفیتی قانونده مصرح اولدینی ایچون یالکز اولنره شاملدر. صکره بالذات وبالواسطه زراعت اربابی ایکیسی ده مؤجلدر. چونکه: بوندن مقصد مملکتده زراعتی تشویق وبویوک مقیاسده زراعتی ترغیب اولدیغنه کوره بالذات بوایشی ایفا ایدمه چک اولانلر بالواسطه یاپدیره جقلدر. خزینهیه بر منفعت تأمین ایچون مملکتده بویوک مقیاسده زراعت یاپدیره ییلملیدر. بو، مملکتک اقتصادیات زراعیه نی تأمین ایدر. خلق ایچون ده موجب منفعت اولور. ایشته بللی باشلی صنغلرک تفریقی عامل اولان اسباب بونلردر. خلاصه تکرار ایدیورم که: هیئت علیه کزه، مرتب وما کنیستلر ایچون، کذا قیر بکجیلری اوراق وخرمن ما کنیستلری ایچون دیگر بر درجهیه تنزیله دائر اولان تکلیفاتی انجمن قبول ایدم بیلور، فقط؛ منفعت مملکت نقطه نظرندن انجمن بونی راجح کورمکده در. ودها دوغری بولمده در. بونلرک ویردکاری ویرکو مقدارنی عرض ایتدیکم کبی بومقدارلر اوزرنده تعدیلات ایچون آرقداشلر مزدها فضلله ایضاحات ویره رک بزنی تنویر ایدم چک اولورسنه بالطبع انجمن ده اوننی قبول ایدر. یالکز بر فقرمنک علاوه سنی رجا ایدیورم اقدم. افراد مؤجله عجباً بو ویرکوی بر آندمی ویره چکدر؟ یوقسه تقسیطله می ویره چکدر؟ بوسؤالی کیمسه ایراد ایتمه مشدر اوت آرقداشلر! بونک تقسیطله ویرلمسنی بزده دوشونیورز. آیرجه بر تعلیمات یاپیله جق، اورایه یازلسون. دییوردق. فقط؛ متن قانونه قویق دها موافق اوله چقدر. او قودیغ فقرمنک علاوه سنی رجا ایدم چکم. و بونی بر تقریرله ده هیئت علیه کزه عرض ایدم چکم. « بونلردن برنجی، ایکنجی درجه ده بونانلر محللری مجالس اداره سنجه حقیق ثروت، استطاعتلرینه کوره بروجه آتی تعیین اولنه جق ویرکوی سنوییه تابعدرلر. « درلر» اداتی قالدیریورز. « ویرکوی سنوییه تابع اولوب اوچ آی ظرفنده اوچ مساوی تقسیطده استیفا اولنور. شکنده اولیور.

خلیل ابراهیم بک (آنطالیه) -- صلاح الدین بک بویدنجی ماده ده وار.

صلاح الدین بک (دوامله) -- هیئت آرزو بویورسه قبول ایدرز. چونکه: اصول تحصیل حقنده بر تعلیمات یاپیله جق. تقسیط امر قانونیدر. بناء علیه؛ هر وقت ایچون آیری، آیری لازمدر وماده سننده صراحت اولسون دیدیلر بزده قبول ایدیورز.

خلیل ابراهیم بک (آنطالیه) -- قانون ذاتاً نظامنامه تنظیمی امر ایدیور اقدم.

صلاح الدین بک (دوامله) -- قانونک تاریخ اعلانندن اعتباراً هر آیک اون بشنجی کونه قدر دیمک که - اوچ تقسیطده - بو فقرمی علاوه خصوصنده هیئت علیه کن قبول ایدرسه بزده قبول ایدرز. و لزوم اولور دیه علاوه ایدیورز. اوچ آی ظرفنده و اوچ مساوی تقسیطده تحصیل اولنور. و تقاسیمک مدت تأدیسه سی قانونک تاریخ اعلانندن اعتباراً هر آیک اون بشنجی کونه قدردر. دیمک که برنجی، ایکنجی درجه ده اولانلردن اوچ تقسیطده بویارینی آله جغز. طبیعیدر که اوچنجی درجه ده اولانلر معاشه تابع اولوب یوز غروشدیه برغروشدر. اولنره بوشامل اوله ماز. بناء علیه یوکافی در.

حاجی مصطفی افندی (آنقره) -- اوچنجی درجه ده مکتب معلملری وار، مدرسه معلملری وار. طبیی بونلر اهل معاش اولدینی ایچون برشی دیبیم. فقط بومعلملر ایچنده مدرسه طلبه لری ده واردز. مؤجل اولدیلر قالدیلر. طبیعیدر که بونلرکده بویورکویه تابع اولملری لازمکلور. حالوکه شمعی بونلرک معاشلری، اجر تلمی، یومیه لری، عائداتلری یوق. بونلردن نه صورتله ونه کبی بویورکو آله جقسکیز؛ اوکادای برشی سویله مدیکیز صلاح الدین بک دوامله -- عرض ایدیم. اگر بونلر افراد مؤجله دن ایسه یعنی مجرد تعلیم و تربیه لرندن دولایی مدرسه ده براقیلورلرسه و اون سکیز یاشنی متجاوز ایسه بویورکویه تابع اولملری لازمکلیر. فقط بونلرک نه صورتله ویره چکی محللری مجالس اداره سی طرفندن تعیین ایدیله چکدر اگر یوقسه اولمیانندن برشی ایسته میورز. ویرکوی تقدیر کیفیتنی محله ترک ایتمک اک دوغری برشی اولمش اوله جتی قناعتده ایم.

حاجی مصطفی افندی آقره — اقدام! برده برنجی
ایله ایکنجی درجه لرك حد اصغر یلری بر آزدها تنزیه
چاره یوقیدر؟ ایضاح بویور میسکیز؟
صلاح الدین بك — هیئت علیه حکمدر .
حاجی مصطفی افندی — اوچ بوزی ، اللی به تحویل
صورتیه اقدام .
صلاح الدین بك — برنجی درجه ده اصحاب یساره
مخصوص درجه اولدینی ایچون مقداری قایل اولمه مایدركه
سواء استعماله مانع اولم . صوکره هر کس باشتمه یوله
کیدر . اونک ایچون بودوغریدر .
دوقتور فؤاد بك (بولی) — بك افندی ! یالکیز
هلال احمر مستخدمینی حقنده بیاناتده بولوندیکنز .
فقط عمومی وخصوصی خسته خانه لر مستخدمینی حقنده
برشی سویله مدیکیز؟
صلاح الدین بك — عرض ایدیم اقدام! بنده کزجه
خصوصی آچیلیمش بر خسته خانه نك مأمورومستخدمینیه ،
عمومی بر خسته خانه نك مستخدمینی آره سنده فرق واردر .
یعنی هیئت جلیله بوقطه نی موافق بولورسه بزده بوکا
برشی دیمیز .
فؤاد بك بولی — هیچ اولمازسه اقدام بوقسمی
اوچنجی به براقلم .
صلاح الدین بك — برشی واردر . بوکا نظر دقت
عالیکیزی جلب ایتمک ایسته بوم . اساساً بزم ایچون انک
بویوک واجبه : ۱۸ یاشندن قرق بش یاشنه قدر دوام
ایدن مکلفیت نظامیه عسکریه نك حدودی داخلنده
بولنانلرك هیچ برره صیغینه مه مننی تأمیندر . و بزم مقصدمن
بویله صیقتیلرك اوکته کچمکدر . بوندن مقصدم برکیمه به
تعریض دکدر . یالکیز بونلری بولهرق وظیفه عسکریه لرینی
فعالاً ایفا ایتمک ایسته یئلره مساعدده ایتمه مکدر . بونلرك هم
حیاتلرینی قزاندقاری و ممد اولرینک باشنده او طور دقلری
نظر دفته آلمشدر . فقط مقدار؛ یعنی (۵۰) لیرا ایکنجی
درجه ایچون چوق اوله بیلیر . هیئت علیه کز بونی
ایندیره بیلیر . و عمومی خسته خانه لری آیره بیلیر . بنده کز
معارض اولیه جنم . فقط اساس اعتباریله انجمن بومقداری

موافق بولمقده در .

طونالی حلمی بك (بولی) — اقدام ! اوراق
وخرمن ماکنیستلری دینور . حالبوکه ظنمجه زراعت
ماکنیستلری دینورسه ده شمولی اولور ، دکلی اقدام؟
صلاح الدین بك (مرسین) — اقدام ! اوراق وخرمن
ماکنه سی دیدیکمزك سببی مکلفیت عسکریه قانونک مؤجلار
حقنده کی تعیرانک عیناً نقل ایدلمسنددر . زراعت ماکنیستی ده
اولا بیلیر . محذور یوقدر اقدام .

رئیس — مذاکره نك کفایتده دائر برتقریر واردر .
عین زمانده خلیل ابراهیم افندی امین بك ، سلیمان سری
بك ده سوز ایسته مشلردی . (کافی سسلری) مذاکره نی
کافی کورنلر لطفال قالدیرسون ! مذاکره کافی کورلادی .
اوچنجی ماده نك بعض فقراتنک تعدیل وتصحیحی ویکی
فقرات علاوه سی حقنده بر چوق تقریرلر واردر . آرزو
بویورورسه کز هیئت علیه کزه عرض ایتمکدن صکره
بر قرار اتخا ایدرز .

ریاست جلیله

اوچنجی ماده نك مذاکره سی کافیدر . رأیه وضعیله

قبولنی تکلیف ایلرم . ۱ مایس ۳۳۸

کمشخانه

حاجی مصطفی

ریاست جلیله

اوچنجی ماده نك اوچنجی درجه ده کی یدنجی سطرنده
محرر « ژاندارمه صورتیه مؤجل » فقره سنه « اولانلر
ایله » یعنی مؤجل کله سندن صکره آنف الیان « اولانلر
ایله » سوزلرینک علاوه سی تکلیف ایلرم .

۱ مایس ۳۳۸ کنج مبعوثی

حمدی

ریاست جلیله

برنجی درجه مؤجلیت عسکریه ویرکوسنه تابع
اولانلرك اوچ یوز لیرانک آلتی یوزه درتیوزك سیکز
یوزه و آلتی یوز لیرانک بیك لیرایه ابلاغنی تکلیف ایلرم .

بایزید

سلیمان سری

ریاست جلیلهیه

۱ -- برنجی درجه ده کی (زراعت اربابی) ایله (مواشی و حیوانات اصحابی) نك (اعشار و رسوم بلدییه ملتزملری) نك ایکنجی درجهیه .

۲ -- (مطبوعات منسوبینی ایله مرتب و ماکنیستلر) (اوراق و خرمن ماکنیستلرینك) (خسته خانه و هلال احمر مستخدمینك) ، (قیر بکچیلری) نك اوچنجی درجهیه تزییلی و :

۳ -- برنجی درجه حدلرینك ۱۰۰ ، ۳۰۰ ، ۵۰۰ ایکنجی » » ۲۵ ۵۰ ۷۵ لیرایه ایندیلمسنی تکلیف ایدرم . قره سی ح . بصری

ریاست جلیلهیه

«ب» قره سنك اوچنجی درجه ده کی استثنالی میانده اورمان محافظه مأمورلری رینه اورمان معاملات و جابیت مأمورلرینك اقامه سنی تکلیف ایلرم . ۱ مایس ۳۳۸ کوتاغیه جمیل

ریاست جلیلهیه

مطبوعات منسوبینی ایله مرتب و ماکنیستلرک اوچنجی درجهیه ادخالنی تکلیف ایلرم . قره حصار صاحب محمد شکری

ریاست جلیلهیه

اوچنجی ماده نك : «مطبوعات منسوبینی ایله مرتب و ماکنیستلردن اهل معاش اولانلر اوچنجی درجهه موجنبجه معاملهیه تابع طوئیولورلر» شکنده تعدیلنی تکلیف ایلرم . ۱ مایس ۳۳۸ بوردور مبعونی صویمصالی اسماعیل صبحی

ریاست جلیلهیه

مطبوعات منسوبینی ایله مرتب و ماکنیستلرله عمومی و خصوصی خسته خانهلر و هلال احمر مستخدمینی وقیر بکچیلرینك اوچنجی درجهیه ادخال ایدلهمسنی تکلیف ایلرم . ۱ مایس ۳۳۸ بروسه مبعونی محی الدین بها

ریاست جلیلهیه

اوچنجی ماده نك ایکنجی درجه سنه « شمندوفر مستخدمینی ایله فابریقهلر اوستهلری » سهوا علاوه ایدلهمشدر . بو درجهیه علاودسنی تکلیف ایلرم .

۱ مایس ۳۳۸ استانبول علی رضا

ریاست جلیلهیه

اوچنجی ماده ایکنجی درجه سنده کی مطبوعات منسوبینی ایله مرتب و ماکنیستلرله عمومی و خصوصی خسته خانهلر و هلال احمر مستخدمینی ، قیر بکچیلرینك ایکنجی درجه دن قالدیرلرک اوچنجی درجهیه نقل ایدلهمسنی تکلیف ایدرز . ۱ مایس ۳۳۸

سیواس اسپارطه مبعونی مصطفی تقی حاجی طاهر ریاست جلیلهیه

اوچنجی ماده نك برنجی درجه سنك [۲۰۰ ، ۳۰۰ ، ۴۰۰] اولوق اوزره تعدیلنی تکلیف ایلرم . یوزغاد بحری

ریاست جلیلهیه

اوچنجی ماده نك برنجی درجه سنك حد اصغریسی اللی ایکنجی درجه سنك حد اصغریسی اون بش اولمسنی تکلیف ایلرم . آقره حاجی مصطفی

ریاست جلیلهیه

برنجی و ایکنجی درجهلرده کی ارقامک بروجه آتی تعدیلنی تکلیف ایدرم . سیوه رنك لطفی

برنجی درجه ۱۰۰ ، ۲۰۰ ، ۳۰۰ ایکنجی » ۲۵ ، ۵۰ ، ۷۵

ریاست جلیلهیه

قیر بکچیلری کوی کزیری و زراعت بکچیسیدر . اک فقیر آدملردن انتخاب اولتور . بونلرک اوچنجی درجه ده اولملرینی تکلیف ایدرم . العزیز حسین

ریاست جلیلهیه

ولایاتده بولنان مطبوعات منسوبینله مرتبارک اوچنجه
درجهده اولملری اوچنجه درجهده کوستریلن صحیه
مفتشاریله مملکت طیبیلری واجزاجیلرک ایکنجه درجهده
عدایدملرنی تکلیف ایلم .
العزیز
حسین

ریاست جلیلهیه

اوچنجه ماده نك ۲۷ نجی سطر نده کی (مجالس
داره سنجه) جمله نك (مجالس اداره و بلدیله لردن مرکب
قومیسو نلرجه) شکلنده تعدیلنی و ۲۹ نجی سطر نده کی
برنجی درجه نك (۶۰۰،۵۰۰،۴۰۰،۳۰۰،۲۰۰،۱۰۰)
و ۳۰ نجی سطر نده کی ایکنجه درجه نك (۷۵۰،۵۰۰،۲۵۰)
۱۰۰،۱۲۵،۱۵۰) طرز نده قدماته تقسماً تعدیلنی تکلیف
ایلم . ۱ مایس ۳۳۸ قیرشهر
صادق

انجمنك علاوه سنی تکلیف ایتمدیکی فقره

ویرکو سنوییه (تابع اولوب) اوچ آی ظرفنده
واوچ مساوی تقسیطده استیفا اولنور . تقاسیطك مدت
تأدییه سبی قانونك تاریخ اعلانندن اعتباراً هر ایک ایلك
اون بشنجه کوننه قاردر .

موازنه انجمنی

ریاست جلیلهیه

اوچنجه مادهده کی درجه نك بروجه آتی صورتده
تعدیلنی تکلیف ایلمز . برنجی درجه : ۲۰۰،۱۵۰
۳۰۰،۴۰۰،۶۰۰،۸۰۰ ایکنجه درجه : ۲۵۰،۵۰۰،۷۵۰
جانیک قوزان قره حصار صاحب
امین دو قنور فکرت شگری

ریاست جلیلهیه

برنجی وایکنجه درجه لرایچون تقدیر اولنان ویرکو
جداً فاحش وغیر قابل تحملدن . بناء علیه برنجی درجه
ویرکو حد اصغریسك بروجه آتی اللی لیرادن وایکنجه
درجه نك دخی اون لیرادن ابتدا ایتمنی تکلیف ایلمز .
۱ مایس ۳۳۸ یوزغاد
سلیمان

برنجی درجه ۵۰ الی ۶۰۰

ایکنجه درجه ۱۰ الی ۱۵۰

ریاست جلیلهیه

(اوراق وخرمن ماکنیستلری) یرینه (زراعت
ماکنیستلری) دینلمه سنی تکلیف ایلمز . ۱ مایس ۳۳۸
طونه لی
حلمی

ریاست جلیلهیه

اکثر محللرده اوراق وخرمن ماکنیستلری پک
نادر در . و قیر بکچیلری ده قسماً ارباب یساردن ایسهده
قسم اعظمی افقر فقرا طاقنددر بویکی صنف ایچون
ایکنجه درجه اعتباریله مبداء تکلیف کوستریلن اللی
لیرانك اون لیرایه وحداء اعظمی کوستریلن بوزاللی لیرانك دخی
۵۰ لیرایه تنزیلاً تعدیلنی تکلیف ایلمز .

موش

احمد حمدی

ریاست جلیلهیه

(عمومی وخصوصی خسته خانه لرله هلال احمر وحمایه
اطفال مستخدمینی) نك اوچنجه درجهده اولملرنی
تکلیف ایلمز . ۱ - ۵ - ۳۳۸ بولی
فواد

ریاست جلیلهیه

مؤجلت عسکریه قانونك اوچنجه ماده سننده (ب)
فقره سننده کی مؤجللرک ایکنجه درجهده بولنان اوراق
وخرمن ماکنیستلری یله قیر بکچیلرینك اوچنجه درجه
ویرکوسیه مکلف طوتوله لرینی تکلیف ایلمز .
غازی عینتاب مبعوفی
شاهین

رئیس - افندم ! اوچنجه ماده حقتنه رفقانک
ویرمش اولدقلری تقریرلرک محتویاتنه مطلع اولدیکز .
بو تقریرلری بوراده رایه قویوق ظن ایلمز قانونك سلامتی
نقطه نظرندن غیر ممکندر . اگر تنسیب بویوریرسه کز
ایکی شکل حل واردر . بریسی ماده یی عیناً رایه قویوق ،

دیگر شکل ، تقریر لوله ماده بی انجمنه کوندر مک واو-
کلنجیه قدر دیگر ماده لرك مذا کره سنه کچمکدر بوشقیری
رأی مالیکزه وضع ایده حکم .

دوقتور سعادتک (قسطنونی) — اصول مذا کره حقنده
برشی عرض ایده حکم افندم . مالی بوقدر متفاوت اولان
تقریر لرك هیئت مجموعه سنی انجمنه کوندر مک اصوله موافقدر .
یالکر هیئت مجموعه سنی مجلس عالیجه قبول ایدلمش نظریله
کیتمه سون . بونلر رأیه وضع ایدیلیر . نظر دفته آلتانلر آلتیر
آلتیانلر آلتانلر آلتانلر انجمنه کیدر .

حسین عونی بک (ارضروم) — افندم ! اساسلی
نقطه یه متعلق بر قسم تقریرلر وار . مثلاً تنزیل مقصار
حقنده . بونلر اساسی تشکیل ایدر . بناء علیه ؛ اساسه
متعلق اولانلر رأیه قونولیدر . بونلر بوراده تصنیف
ایدیله بیلیر . انجمن نه یاپه بیله حکمدر ؟ بوراده موضوع
بحث اولان بوقتورلر انجمنده ده موضوع بحث اولمشدر .
مثلاً ۲۵ لیراقونمش ، ۲۵ لیرای مجلس عالی قبول ایده حکمی ؟
بوینه ناقص کیده حکمدر . بو انجمنه کیده ییلمک ایچون
مقدارک تنزیلی ، ترفیعی و یا خودده تعدیل کبی بویا اساسلی
ماعیتده اولانلرک نظر دفته آلتوب آلتیادقیرینی تعیین
ایدرك کوندر ملی . انجمن آنجق بونلر اوزرنده ایشایه بیلیر .
عکس تقدیرده انجمن نه یاپه بیلیر ؟

عصمت بک (چوروم) — حسین عونی بک برادر مزک
سویلدکاری دوغریدر . تقریرلر او قوندقجه انجمنک نقطه
نظری آلتیه جق اولورسه مسئله حل ایدلمش اوله جقدر .
هر او قونان تقریر حقنده انجمن بو موافقدر و یا دکمدر
دیجهک . یعنی — هیئت علیه کندی نقطه نقطه نظری
سویله حکمدر . صکره هیئت علیه نظر دفته آلتیرسه
انجمنه کله حکمدر . نقطه نظری آلتانلر کوندر یله جک
تقریرلر اوزرنده انجمن هیچ برشی یاپه میه جقدر مطلق
صورتده انجمنه کیتمه مایدیر . او قونالیدر . هر او قونان
تقریر حقنده انجمنک نقطه نظری سویله جق اولورسه
مسئله توضح ایدر . و معامله بیتر .

رئیس — مساعده ایدیکز . ذاتاً نظامنامه داخلی
تقریرلرک آیری آیری او قونمنی آمردر . و موازنه مالیه

انجمنی هر تقریر او قوندقجه نقطه نظری هیئت جلیله کزه
عرض ایتسون . تقریرلر برر او قوناجق ورأی مالیکزه
وضع ایدیله حکمدر . (موش مبعونی حاجی احمد افندیست
تقریری تکرار او قوندی)

عصمت بک (چوروم) — افندم ! اوراق و خرمن
ماکینستلری مملکتک منافع زراعیه سنی ایچون چالیشان
سربست صنعتکاردرلر . اوراق و خرمن ماکینستلری
صنعتلری اجرا ایده حکمدر . فقط ؛ مملکت داخنده کی
ارباب زراعته فائده بخش اولق ایچون چالیشه جقدر .
هیئت عمومی ملته اولان علاقهری صنعتلری اعتباریله
مملکتده ارباب زراعته یاردم ایتلرندن عبارتدر . فقط ؛
کندیلری اساساً بو صنعتلرندن تمامیله استفاده ایتک
حقنه مالیکدرلر . بوندن دولای بونلر ایکنجه صنعتن
چیقاریله ماز . بونلر ایکنجه صنعتن اوچنجه صنفه تنزیل
ایدیله مز . اوچنجه صنفده اولانلرک اشافی اجرت آلتغه
مجبور اولانلردر . یوقسه صنعتلرندن ایستدکاری قدر استفاده
ایدنلر دکمدر . بوندن دولای بوقتورره انجمن موافقت
ایده مز .

فخرالدین بک (قارص) — بزم الویه ثلثه ده هم
زراعت ماکنه سنی وار . و هم خرمن ماکنه سنی وار .
[او دکل سسلری]

عصمت بک (چوروم) — افندم ! شمیدی بونلر
مؤجلر حقنده در . مأذونلر حقنده اساساً تکلیف ایدیلن
شی او قدر آذرکه زراعت عمله سنی اعدادنده داخلدر .
زیرا زراعت عمله سنی بش لیرادن یدی سکز لیرایه قدر
ویرکو ویره حکمدر . بونلر غایت اهمیتسزدر . بونلر اصل
سربست اولان صنعتکارلر ایچوندر .

حاجی احمد افندی (موش) — بر سؤالم وار
رئیس بک !

رئیس — مساعده بویوریکز افندم . هر تقریر ایچون
مذا کره آچه ماز . انجمن نقطه نظری سویله یور . بوقتورک
انجمنه کیتمنی قبول ایدنلر لطفاً اللرنی قالدیرسون ؛ قبول
ایدلمدی .

(بولی مبعونی دوقتور فؤاد بک تقریری تکرار

اوقوندى)

عصمت بك (چوروم) — افندم ! تكليف ايكي شقى
 احتوا ايدييور . بريسى هلال احمر مستخدمينك اوچنچى
 درجه يه آلمىنى ، ايكنجيسى ده همايه اطفالك بوقانونه كيرمى .
 شمى بزم مربوط جدولده ، قانونه مستنداً تاچيل ايديلنره
 ويركو طرح ايدييورز . حمايه اطفالك بويه تاچيله تابع
 اولمى مسئلهسى اساسلى بر مسئله در . قانونى بر مسئله در .
 باشقه بر تكليف ايه اولور . زيرا تاچيل قانوننده اونلر
 بوقدر . هلال احمر مستخدمينك اوچنچى درجه يه كچمى
 راز شايان دقتدر . هلال احمره بالفصل خدمت ايدنلرك
 ايچنده خدمتلىرى عسكركلكن قور تولوق ايچون واسطه
 اتخاذايدنلر اكثر در . بوندن دولاييدر كه بو هلال احمر
 وظائفنى واسطه اتخاذايدن بو اكثر وقت اساساً اصحاب
 يساردن در . بوندن دولايى اونلرى اوچنچى صنفه اينديرمى
 موافق كورميورز . [رايه سسلرى]

دوقور فؤاد بك (بولى) — بنده كزك تكليفم
 عمومى وخصوصى خسته خانلردر .

دوقور فكرت بك (قوزان) — هلال احمرده بويه
 آدملىر بوقدر .

رئيس — افندم ! بوتقريرى نظر دقته آلانلر لطفاً
 اللرىنى قالدريسون ! نظر دقته آلمادى .

(طونه لى حلمى بكك تقريرى تكرر اوقوندى)

عصمت بك (چوروم) — افندم ! بو تقريره
 دوغرى دكلدر . مربوط جدولده متن قانونده كى تعبير
 موجوددر . [رد ، رد صدالرى]

رئيس — افندم ! بوتقريرى نظر دقته آلانلر لطفاً
 ال قالدريسون نظر دقته آلمادى .

(يوزغاد مبعوثى سليمان سرى بكك تقريرى تكرر
 اوقوندى .)

حسين عونى بك (ارضروم) — مساعده بويورك !
 اولاً مقدارك تنزيل رايه قونسون . بواساس قبول ايدلد-
 گدن صكره انجمن سوز سويلر . بر كره هيئت عموميه
 تنزيل اساسنى قبول ايدييورمى ؟ اكر بوتنزيلى قبول
 ايدييورسه اووقت بو مختلف تقريرلر توحيداً رايه قونور .

سليمان سرى بك (يوزغاد) — افندم ! بنده كز
 حداعظميسنه برشى سويليورم . فقط ؛ حداغرى بك
 چوقدر .

رئيس — افندم ! تنزيل اساسنى نظر دقته آلانلر
 لطفاً اللرىنى قالدريسون ! تنزيل نظر دقته آلمادى . شو
 حالده افندم . تنزيل حقيقتده كى تكيلىلرى هيئت عموميه كز
 نظر دقته آلمدى .

(قوزان مبعوثى دو قور فكرت بكك تقريرى تكرر
 اوقوندى .)

رئيس — افندم ! بوتقريره تنزيله تعلق ايدييور .
 هيئت جليله كز ايسه تنزيله طرفدار اولمادى كز .

(موازنه ماليه انجمنك تقريرى تكرر اوقوندى)
 عصمت بك (چوروم) — افندم ! بوتقسيمت

مسئله سنى بوباده بايله حق تعليماتنه ترك اتمك ايسته يوردق .
 فقط ؛ مدت تقاسيمت قانونى اولمىنى صكره دن نظر دقته
 آلدق . بناء عليه ؛ تقسيمه ربط اتمك مسئله سى دوغرى در .
 اساساً بوكى ويركولر يعنى بودرجه ده كى ويركولر بر آرز
 بدل ماهيتى حائزدر . دمىن آرقداشلمر تنزيل تكليف
 ايتمشلر سه ده بونك اسباب موجبيسنه بك واقف اولاما-
 مشلردى . هيئت عليه قبول اتمده دى . بناء عليه ؛ رنجى ،
 ايكنجى درجه لراه اشاعيده [ه] فقره سى وادد كه بونلر
 اساساً بدل نقدى قيمتى حائز اولاملردر . وبوسيله در كه
 بر آرز ويركولر فضله جه در . فقط جبايقتمده سهولتى تأمين
 اتمك اوزره بونلرى اوچ مساوى تقسيمه تابع
 طوتيورز . عين زمانده هر تقسيمه ايچون اون بش كون مدت
 تاديه قوييورز . (بك دوغرى سسلرى)

رئيس — افندم ! انجمنك تقريرى نظر دقته آلانلر لطفاً
 اللرىنى قالدريسون ! انجمنك تقريرى اكد يتله نظر دقته
 آلمشدر .

رئيس — افندم ! قيرشهر مبعوثى صادق بكك تقريرى
 تكرر اوقوتيورم .

(صادق بكك تقريرى تكرر اوقوندى)
 شكرى بك (بولى) — بوتزيد تكليفيدر .

رئيس — (عصمت بك خطاباً) تزويديدر ، تنز-

پلیدر؟ تزید ایسه ایضاح بویورک. هیئت عمومی به قبول ایچون تکلیف ایدلم.

عصمت بك (چوروم) — تقریرك برنجی فقره سنده (مجالس اداره) یرینه (مجالس بلدیهدن منتخبر هیئت) قومی تکلیف ایدیلورکه بزده افندیلر! الشطیبی وقانونی مجالس، مجالس اداره لردر. هر قانونك اجرایی ایچون یایدیغمز قومیسوینلر بونلردن دهایی ایفای وظیفه اید. میورلر. ذاتاً معافیت عسکریه قانوننده حق تقدیر مجالس اداره لره بیراقیمه شد. بزاطراداً للقانون بونی ده اویاه قبول ایتدك. و بونك باشقه شكده اولسی موافق دکلدر. (رأیه، رأیه صدالری)

رئیس — افندم! صادق بك اوچنجی ماده نك یدنجی سطر ندمکی (مجالس اداره) کلمه سنك یرینه (مجالس اداره) و بلدیهدن مرکب قومیسوینلرجه (جمله سنك قومی تکلیف ایدیلور. یعنی یالکیز مجالس اداره دکل بلدیهدن اشتراك ایتسون دیور. بوتعدیل نظر اعتباره آلانلر لطفاً اللرینی قالدیرسون! نظر اعتباره آنامشدر.

افندم! العزیز مبعوثی حسین بك تقریرینی تکرار او قوتیورم. (تکرار او قوندی)

عصمت بك (چوروم) — افندم! بو ایشده هیئت علیه ینه حکم اولسون. فقط انجمنك بونده ده دوشوندیکی شی شودر: قیر بکچیلرینک مؤجلیتته مدافعه ملیه موافقت ایدنجه بو وظیفه مملکتده بر مسئله معتنا اولمشدر، بوندن دولایی کویلرده ارباب یسار، بکچیلک وظائفی بو مؤجلیتدن استفاده ایچون کندی ناملرینه یایدیرمشدر. و باشقه لرینی یرلرینه پاره ایله استخدام ایتمشدر. اکثریت بویله در. فقط هیئت علیه کز حکم اولسون. اوچنجی درجه به نقلنده اصرار ایدرسه کز برشی دیه میز. (کور و تیلر)

رئیس — افندم! العزیز مبعوثی حسین بك تقریرینی نظر اعتباره آلانلر لطفاً اللرینی قالدیرسون! نظر دفته آندی. (سیوه دک مبعوثی لطفی بك تقریرینی تکرار او قوندی)

رئیس — افندم! بوتقریرده مکلفیتك تزییلنی تضمین

ایدیلور. تزییل اولجه هیئت جلیله کزجه نظر دفته آنامشدی. (آقره مبعوثی حاجی مصطفی افندیك تقریرینی تکرار او قوندی.)

رئیس — بوده عین مآله ویرکونك تزییلنی تکلیف ایدیلور. اولکی قرار عالیکزه مغابردر. (بوزغاد مبعوثی بحری بك تقریرینی تکرار او قوندی)

رئیس — بوده عین مآله. تزییل تکلیف ایدیلور. رأی عالیکزه وضع ایتیه حکم. (العزیز مبعوثی حسین بك ایکنجی تقریرینی تکرار او قوندی)

عصمت بك (چوروم) — مطبوعات منسویینی ایله مرتب و ماکنیستلرک ایکنجی درجه به آلمشده کی اسبابی هیئت عمومیه مذاکره سنده صلاح الدین بك عرض ایتدیله. فقط هیئت علیه اوچنجی به تزییل خصوصنده کی بوتعدیلنامه نی قبول ایده جک اولورسه بالطبع بونده اصرار ایتیز.

شکری بك (بولی) — ذاتاً قانونك ایلک روزه سنده اوچنجی درجه ده در. سوکره دن نه اولمشسه ایکنجی به آلمشدر.

عصمت بك (چوروم) — افندم! انجمن بر آزدها بوقانون اوزرنده ایشله مک ایسته مش و مطبوعات منسویینی اولجه اوچنجی درجه ده ایکن صکره ارقداشلرک عرض ایتدکاری ملاحظاته بناء ایکنجی درجه به آلمشدر. بناء علیه هیئت جلیله حکمدر. اوچنجی درجه به آلمنی آرزو ایدرسه آلابیلیرز.

رئیس — رایه قونولان مسائل قبول قطعی دکلدر. نظر دقه آلنوب انجمنه کیتیمی مسئله سیدر. دیکر لرینی هیئت عمومیه نظر دفته آلمادی، هیئت عمومیه نك آراسنه قارشى باشقه برقرار اتخاذایدیله مز دکلی افندم؟

حسین عونى بك (ارضروم) — مسئله غایت صریحدر. ایکنجیدن اوچنجی به آله جقدر. باشقه برشی یوقدر. بر نومرود کیشه جک. انجمن بونك اوزرینه برشی یاپامیه جقدر. یالکیز نومرود کیشه جک.

رئیس — افندم! یاکشلفه محل قالمق ایچون شونی عرض ایتمک ایسترم. تقریرلر رأیه قونورکن تقریرك تئیت ایتدیکی شکل نظر دفته آلنورق انجمنه سوق ایدیلور.

اوراده انجمن اوشکل دائره منده ماده بی تعدیل ایده جک
ومعدل ماده صوکره بوراده تکرار رایگزه عرض
ایدله جک بناء علیه بوتقریری ده عین صورته رایه قویوروم.
الغیز مبعوثی حسین بکک تقریری نظر دفته آلانلر
لطفاً ال قالدیرسون ! (آکلاشلمه دی صدالری) افندم
برآزدقت بویورسه کنز آکلایه جقسکز .

الغیز مبعوثی حسین بکک تقریری تکرار او قوندی
رئیس — افندم ! مطبوعات منسوبی ایله مرتبلاک
اوچنجی درجهیه آلمسی . .

حسین عونی بک — افندم ! تقریر عمومیدر . (عموم
ولایانده بولنان) دیور . لوالر بونده داخل دکلیدر ؟
صوکره ترده محل ویرر . اونک ایچون (لوالر) قیدینی ده
قویملیدر .

رئیس — افندم ! حسین عونی بکک علاوه بر تکلیفی
وار . (عموم ولایات ولوالده بولنان مرتبلا وسائره)
دیورلر . حالوکه عموم ولایات دینتجه هپسنه شامل
اولیور . حسین بکک تقریرینک برنجی فقره سی قبول
ایدنلر لطفاً ال قالدیرسون ! اکثریتله قبول ایدلمشدر
افندم . ایکنجی فقره سی وار :

« اوچنجی درجهده کوستربان صحیه مفتشلا بلامملکت
طیبیلری واجراجیلرک ایکنجی درجهده عدایدملری »
بوققره سی قبول ایدنلر لطفاً ال قالدیرسون ! قبول
ایدلمه مشدر افندم شوخالده حسین بکک تقریرینک برنجی
فقره سی نظر دفته آلهرق انجمنه کوندلمسی قبول ایدلمشدر
ایکنجی فقره سی قبول ایدلمه مشدر .

(غاری عینتاب مبعوثی شاهین افندینک تقریری
تکرار او قوندی)
شکری بک (بولی) — قیربکجیلری فقره سی ذاتاً
قبول ایدلدی .

رئیس — افندم ! بوتقریرک امثالی نظر دفته آلمش
وانجمنه سوو ایدلمشدر . بونک ده انجمنه سوقنی قبول
ایدنلر لطفاً ال قالدیرسون . قبول ایدلمشدر .

(سیواس مبعوثی مصطفی تقی افندینک تقریری
تکرار او قوندی)

افندم ! بوتقریرک محتوباتی قسماً قبول ایدلمش ، قسماً ده
نظر دفته آلمامسی قراری ویرلمشدر . بناء علیه یایله جق
بر معامله قالمشدر .

(استانبول مبعوثی علی رضا بکک تقریری تکرار
او قوندی)

عصمت بک (چوروم) — بوهلال احمر وخسته
خانلر مستخدمینی عباره سنندن صوکره قونمشدی ،
فابریقه اوسته لری جدولده واردر . بورایه سهواً قونما مشدر .
علی رضابک (استانبول) — برده شمندوفر مستخدمینی .
عصمت بک — اوت افندم

رئیس — افندم ! استانبول مبعوثی علی رضا بک
اوچنجی ماده نک ایکنجی درجه سنه شمندوفر مستخدمینی
ایله فابریقه اوسته لرینک علاوه سی سهواً یاپلامشدر . بونک
علاوه سی تکلیف ایلرم ، دیور . قبول ایدنلر لطفاً ال
قالدیرسون . اکثریتله نظر دفته آلمشدر .

(بروسه مبعوثی محی الدین بها بکک تقریری تکرار او قوندی)
رئیس — افندم ! قیربکجیلری ، مطبوعات منسوبی
مرتبلا ، ماکینستلر نظر دفته آلمدی . هلال احمر مستخدمینی
نظر دفته آلمدی . دیکر لری نظر اعتباره آلهرق انجمنه
حواله ایدلدی . شوخالده بوتقریرک رایه قونولمسنه لزوم
قالمشدر .

(بوردور مبعوثی اسماعیل صبحی بکک تقریری
تکرار او قوندی)

رئیس — بویله بر تکلیف وقتیه نظر دفته آلهرق
انجمنه کینمشدر .

(قره حصار صاحب محمدشکری بکک تقریری تکرار او قوندی)
عین مآله در . افندم ! قراره اقران ایتمشدر .

(کوتاهیه مبعوثی جمیل بکک تقریری تکرار او قوندی)
عصمت بک (چوروم) — افندم ! بوراده کی اورمان
مأمور لری اساساً مؤجل جدولنده مندرج اولانلردر .
دمین ده عرض ایتدم که آریجه بر تأجیل یاپامایز . یکیدن
بر قانون یاپامایز . اخذ عسکر قانوننده نه وار ایسه او . دمین حمایه
اطفال مناسبتیه عرض ایتشدم .

رئیس — جمیل بکک تقریری نظر اعتباره آلانلر
لطفاً ال قالدیرسون . نظر دفته آلمادی افندم !

(قیرشهر مبعوثی صادق بکک تقریری تکرار او قوندی)
صادق بک (قیرشهر) -- رئیس بک تقریری کری
الیورم .

(قره‌سی مبعوثی بصری بکک تقریری تکرار او قوندی)
رئیس -- افندم ! تنزیل حقدده هیئت علیه کزک قرار
تقرر ایشدر . بوده نظر دفته آنمندی .

عصمت بک (چوروم) -- زراعت اربابیه ، اعشار
ورسوم بلدیہ ملتزملرینک ایکنجی درجهیه نقلی تکلیف
ایدیورلر . دمین عرض ایتدم . بومؤجلیت عسکریه

ویرکوسیدر . زراعت اربابییه ، اعشار ورسومات بلدیہ
ملتزملری آنجق منافع اقتصادیہ مملکتی تشویق ایچون
تأجیل ایدلمشدر . بونلر اساساً اوفاق بر علاقه ایله

تأجیل ایدلمشدر . حالبوکه بونلر صرف منافع خاصه‌لری
ایچون زراعتلرینی توسیع و اوپولده چالیشمقده درلر .
بوندن دولایک قوتلی ویرکو ویره جک صنف بوصنفدر .

بناءً عاییه ؛ بونلری ایکنجی درجهیه قویق قطعیاً جائز
دکلدر . اساساً زراعت اربابی ، مواشی اربابی دینجه بو
تعییرلر مطلق دکلدر . قانون اولنرک حدیدی تعیین ایشدر .

ارباب زراعت دینجه اشاشغی ایکی بوز دونم زرع ایدن
زراعتدر . بوقدرت مالیه و زراعیه یه مالک انسانلردر .
صکره اصحاب حیواناتده کذاک جوق حیوان صاحبی

اولانلردر . بونلرک ایکنجی درجهیه آغسی قانونک
قیمتی اسقاط ایدر .
رئیس -- افندم ! بصری بکک تقریری رأیه وضع
ایدیورم . نظر اعتباره اولنر لطفاً آل قالدیرسون !

بصری بک (قره‌سی) -- افندم ! عمومی بردن بویله
رأیه قونیه‌ماز .
رئیس -- ناصل ایسته یورسکز افندم ؛ حرفیاً ایسته -
یورسه کز او یله رأیه قوییم . ناصل آرزو بویورورسکز ؛
اونی اخطار ایدیکزده او یله رأیه قوییم .

بصری بک (قره‌سی) -- افندم ! تقریرمده زراع
وار . مواشی اصحابی وار . اعشار ورسوم بلدیہ ملتزملری
وار . بویله برطاقم قسملر وار ؛ تقریر بویله طوپدن رأیه
قونورسه بر جوق قسمی مهمل قالدیر . بناءً علیه ؛ بوقلملرک
آیری آیری رأیه وضع ایلمسی لازمدر .

رئیس -- ماده ماده رأیه قویه‌لم . آرزو بویورنیورسه کز .
بصری بکک تقریرینک برنجی درجه‌ده کی اعشار ورسوم
بلدیہ ملتزملرینک ایکنجی درجهیه آغسی نظر دفته

آلانر لطفاً آل قالدیرسون ! (قبول ایدلمه مشدر)
صکره مطبوعات منسوبینی ایله مرتبلر و ماکنیستلرک ،
اوراق و خرمن ماکنیستلرینک ، قیر بکجیلرینک اوچنجی
درجهیه آغسی وار . اساساً هلال احمر مستخدمیندن
ماعداسی نظر دفته آلمشدر . هلال احمر مستخدمینی

اولجه موضوع بحث اولمش و نظر دفته آلمامشدر . شوخالده
بو قسمی رأیه وضعه لزوم قالمامشدر . برنجی درجه حدلرینک
بش بوز ، ایکنجی درجه اولنلرک ۷۵ لیرایه ایندیلمسی
تکلیف ایدرم دیورر . حالبوکه هیئت علیه تنزیلی قبول
ایتمه مشدر . بونکده رأیه قونمسنه لزوم قالمامشدر .
شوخالده بصری بکک تقریری رأی عالیکزه عرض
ایدلمشدر .

ریاست جلیله‌یه
اوچنجی ماده‌نک اوچنجی درجه‌ده کی بدنجی سطرنده
محرر « زاندارمه صورتیله مؤجل » فقره سنه « اولانلر ایله »
یعنی مؤجل کله سندن صکره آنف الیان « اولانلر ایله »
سوزلرینک علاوه‌سنی تکلیف ایلرم . ۱ مایس ۳۸

کنجج مبعوثی
حمدی

رئیس -- اوچنجی ماده‌نک اوچنجی درجه‌ده کی بدنجی
ساطرنده یعنی مؤجل کله سندن صکره آنف الیان
(اولانلر ایله) سوزلرینک علاوه‌سنی حقدده در .
عصمت بک (چوروم) -- خایر افندم ! یا کلشدر .
زاندارمه صورتیله مؤجل رسومات و دیون عمومیه
و مملجه قوجیلری و محافظه مأمورلری ذاتاً اولنر مؤجلدر .
یا کلشدر او . . .

رئیس -- بو تقریری نظر دفته آلانلر لطفاً آل
قالدیرسون ! نظر دفته آغسی افندم .
ریاست جلیله‌یه
برنجی درجه مؤجلیت عسکریه ویرکوسنه تابع اولانلرک
اوچوز لیرانک آلتی یوزده ، درت یوزک سکز بوزه ، آلتی

ریاست جلیله‌یه

ریاست جلیله‌یه

ریاست جلیله‌یه

ریاست جلیله‌یه

ریاست جلیله‌یه

بوزك بيك ليرايه ابلاغنى تكليف ايلرم فرمان ۱ مایس ۳۸
 بايزيد مبعوثى
 سليمان سودى
 رئيس -- افندم ! بوتقيرده تزييد واردر ، نظر
 دقتكزى جلب ايدرم .

سليمان سودى بك (بايزيد) -- زنكيشلردن پاره
 آلاق لازم كليرسه ايشته بويه ياپماليدر .
 عصمت بك (چوروم) -- بوتزييد مسئله سنه انجمن
 موافقت ايدم . چونكه بوقانونى تنظيم ايدر كن انجمن
 آز چوق مملكتنك اقتصاديائنده نظر اعتباره المشدرد .
 بناء عليه ؛ فضله تزييد اتمه مشدر . بناء عليه ؛ تزييد
 اولاماز .

رئيس -- افندم ! تزييد قسمنى نظر اعتباره آلانلر
 لطفاً ال قالد يرسون ! نظر دقته آتمام مشدر .

رياست جليليه

اوجنچى درجه :

ايكنجى صنف احتياط ضابطانندن ويا مامورين
 عسكريه دن ... الخ جمله سنك باشنده كى ايكنجى فقره
 تعبيرينك طينى تكليف ايلرم . قوزان مبعوثى
 مصطفى

على رضابك (استانبول) -- افندم ! ايكنجى صنف
 احتياط ضابطانى ؛ يعنى بوتعيرى ، استعماله بر مقصد
 واردر ، احتياط ضابطانى بزده ايكنجى صنفدر . برينجى
 صنفدر كه ؛ بونلر مكاتب حربيه دن ملازم نائيدكله نشئت
 ايدرلر دوغريدن دوغرى يه واردولرده حرب ضابطى اوله رق
 استخدا م ايديلن و بالتتيجه اردودن استعفا ايدن يا خود
 تقاعد صورتيله چكيان ضابطاندر . ايكنجى صنف احتياط
 ضابطانى ؛ خدمت مقصوره اربانندن اولارق سلاح آلتنه
 آتوب بونلره مكاتبه ضابطلكه مخصوص بر تحصيل
 كوسترلكدن صكره ايكنجى صنف احتياط ضابطانى نامى
 آلتنده دوغريدن دوغرى يه استخدا م ايديلنلردر . بوراده
 بوايكنجى صنف احتياط ضابطانندن و مامورين عسكريه دن
 بر قسمى واركه : سلاح آلتنه آتمام مشدر . بناء عليه ؛
 بز بونلرى طى ايدرسه مك مقصد اصلى يه مغاير اولور . بونلر
 ديكر ضابطان كى دكلدر .

سليمان سرى بك (يوزغاد) -- برنجى صنفك
 متقاعدى ؛

على رضابك (استانبول) -- برنجى صنفك متقاعدى
 خدمت عسكريه سنى ايفا ايدن قسمدر .

دوقتور مصطفى بك (قوزان) -- مستعفى قسمى
 ندر ؟

صلاح الدين بك (مرسين) -- مستعفى مر بستدر .
 (قوزان مبعوثى مصطفى بكك تقريرى تكرار اوقوندى)
 رئيس -- ايكنجى فقره ده كى احتياط ضابط و مامورينك
 جمله سندن صكره ايكنجى صنف تعبيرينك طينى تكليف
 ايديلور .

مصطفى بك (قوزان) -- مساعده بويورك ايضاح
 ايدم . افندم ! معلوم عاليكز بزده احتياط ضابطانى
 دينجه ايكنجى صنف اولديغنى ا كلايورز . بردانسى برنجى
 صنف ، ديكرى ايكنجى صنفدر . ايكنجى صنف تقريرى
 طى ايدلسون ديمكدن مقصدم ؛ برنجى صنف ايجر وسنده
 متقاعدن ايله مستعفىلر واردر . فقط ؛ بيلىورسكز كه ؛
 بزم مملكتمزده بر چوق ضابطان اسكيسى كى ۵۰-۵۵
 باشندن صكره تقاعد اولما مشدر . بعض ايجرانده ياشجه
 دون اولانلرده واردر . بك ياشلى اوله رق تقاعد ايديلنلرده
 واردر . صكره استعفا ايدنلرده واردر كه بئدم كزده
 مستعفى يم . بومستعفى اولانلرلر ايجنده ويركو ويرمى
 ايجاب ايدن اسنان داخلنده ذوات واردر . بناء عليه ؛
 اولنلرده بوويركويى ويرسونلر بنده ويرمى . اونك ايجون
 ايسته يورم كه بئدم كز يارنجى صنف ضابطانى ده ادخال
 ايدلسون . ويا خود ايكنجى صنف جمله سى طى ايدلسون .
 مطلق بر اقليدر .

رئيس -- افندم ! مصطفى بكك تكليفنى نظر دقته
 آلانلر ال قالد يرسون . مصطفى بكك تكليفى اكثر يتله نظر
 دقته آلتدى افندم . صوك تقرير (مذاكره كافيدر .
 ماده نك رايه وضعيله قبولنى تكليف ايدرم) دييور .
 بر كره مذاكره نك كفايتنى رايكزه وضع ايديلورم .
 مذاكره يى كافي كورنلر لطفاً ال قالد يرسون . مذاكره كافي
 كورولدى . تقريرك ماده نك رايه وضعى حقتنده كى فقره سنى رايه
 قويه جفم . چونكه ماده نى نظر دقته آلتان تقرير لر له انجمنه ويريلورز

حاجی مصطفی افندی (آقره) - شمعی قیر
بکچیلرینی اوچنجه صنفه ایندیردک . بوراده اونلرک
تأدیه ایده جکی پارمک مقدراری یوقدر . اونی برکره تعیین
ایده جکسکزده اوندن صکره قبول ایده جکسکز .

رئیس - مساعده بویورک اقدم ! اوچنجه ماده نك
نظر دقته آلنان تعدیل تقریرلری موجبجه شکلی تعیین
ایدله دن رأیه قونه ماز . دوغری برقرار چیمماز . بلکه :
عجمله برشی اولور . فقط دوغری برقرار چیمماز . آنک
ایچون انجمن شکلی جدیدی هیئت علیه کزه عرض
ایدتجهیه قدر ماده یی رأیه قویه میه جغز . ماده حقنده
مذاکره کافی کورلمشدر . یالکمز ماده نك رأیه وضعی
قالمشدر . اقدم ! مذاکره من بوقطه ده ختام بولمشدر .

اوراوه وارده :

رئیس - قره حصار صاحب مبعوثی اسماعیل شکری
افدینک بر تقریری واردر .

ریاست جلیلهیه

اجتماع کونلرینک هفته ده اوچه تزیلی وزمان اجتماع
دخی آتورقه ساعت آلتی بچقدن طقوز بیغه قدر یعنی
بر بچقدن درت بیغه قدر دوامنی شرفلولیله مشرف
اولدیغمز رمضان شریفه مخصوص اولوق اوزره قبولی
تکلیف ایلم . ۲۷ نیسان ۳۳۸

قره حصار صاحب

اسماعیل شکری

رئیس - اجتماع کونلرینک هفته ده اوچه تزیلی
واجتماع ساعتک آتورقه آلتی بچقدن اون بیغه قدر
دوامنی تکلیف ایدیور .

حسین عوننی بک (ارضروم) - اقدیلر ! بوکبی
قیدلر آلتنه کیرمک لزومسزدر . بزایسته دیکمز زمان
فضله چالیشیرز . ایسته دیکمز زمان طوبلانیرز . بویله
قیدلر آلتنه کیرلمسی قطعاً جائز دکلددر . یوکون بو
صورتله چالیشیورز . یارین سکز ساعت فضله چالیشیرز .
بنا علیه بویله نه قیده لزوم واردر اقدم ! شمعی آرزو
ایدرسه ک مذاکره یی کافی کوریرز . حتی بنده کزده
تکلیف ایدیورم مذاکره کافیدر . (خنده لر)

رئیس - اقدم ! بومالی قانونلرک مذاکره سی

مناسبتیله جریان ایدن مفصل مذاکرات نتیجه سنده اتخاذ
بویوردیغکنز قراری تکرار رأیکزه عرض ایتک
مجبوریتدهیم . مالی قوانین مستعجلاً مذاکره ایدیه جکدر
ویونلر مذاکره ایدیلنجیه قدر چهارشنبه کونی مستئنا
اولوق اوزره هر کون اجتماع ایدیه جکدر . دیه قرار
اتخاذ ایدلمشدی .

سلیمان سری بک (یوزغاد) - فقط ؛ رمضان نظر
دقته آلتامشدی .

رئیس - شوخالده بومسئله نك بوکون مذاکره سنی
موافق کورمیورسکز . برکره دهاموضوع بحث اولورسه
تکرار مذاکره آچارز . آنجق مالی قانونلر مستعجلاً
مذاکره ایدیه جکدر . اولکی قراریکز بومرکزده در .
حسین عوننی بک (ارضروم) - قرار یالکمز واردات
قانونلرینه مخصوص دکلددر . بنده کزک تصرف حقنده
ویردیکم تقریرده بر آن اول مذاکره ایدیه جکدی . اگر
مجلس هالیکز تصرفی قبول ایتزسه بالآخره تصرف
یابیله ماز . بر آزده حکومتی تصرف ایچون صیتشدیرم
وصکره دیکر طرفدن ده واردات قانونلری طوبلانوب
کاسون .

رئیس - مستعجلیتله مذاکره سنه قرار ویریلن
واردات قانونلرندن صکره کی قانونلری ده تدقیق ایدره ز .
رئیس - اقدم ! بر استعفا نامه واردر . عرض
ایده جکم .

ریاست جلیلهیه

اوقراینایه کیده جک هیئت اعضالغندن استعفا ایتد -
یکمی عرض ایلم . ۲ مایس ۳۳۸

صاروخان مبعوثی

ابراهیم تریا

رئیس - اقدم ! بر تکلیف قانونی واردر . صباحین
تمنی حالنده گلشیدی . بونک هیئت علیه کزه تکلیف
قانونی شکلنده کلسی ایچون صاحبه اعاده یه مجبور اولمشدق
شمعی کلدی ، تکلیف قانونی شکلنده هیئت علیه کزه
عرض ایدیه جکم .

حسین عوننی بک (ارضروم) - اقدم ! بومناقشه یی
بادی برشیدر .

رئیس — مساعده بویوروك افندم. ذاتاً قبول
ایده بیله جککنز برطرزده رأی عالیکنزه عرض ایده جکم.
ریاست جلیلهیه

انحلال ایدن جمعیت اتحادیه قلوبلیله سائر اموال
غیر منقوله و منقوله لرینک جهت مالیه به انتقال ایتمش
اولدیغندن بحث ایله مأمورین مالیه جه بونلره وضع ید
ایدلمسی حکومت فریده جه اجرا ایدلمش اولان تبلیغات
ایجابندن ایدی.

اخیراً بویوروك ملت مجلسی مالیه و کیلی ده بو نظریه یی
تعمیق ایتمش و حتی ملاطیبه ده بولنان اتحاد قلوبنک بالمزایده
صاتیلمسی ملاطیبه محاسبه جیلکنمه رسماً امر ایش ایدی.
بر قلوبنک مملکتجه اطانئیه مومیه ایله ملت طرفندن پایلمش
اولدینی جهتله بویله بالمزایده صاتیلمسندن ایسه ذکور
وانات مکاتب ابتدائیه دن اعدادیه به قدر مملکتک محتاج
اولدینی مکاتبندن برینک اولسون استیجار خانه دن
قورتارلمسی ایچون بونک معارف اداره سنه ترك و تخصیصیله
اولاد وطنک تکامل عرفان و تنویر دماغنه خادم اولمق
اوزره مملکتک معارف اداره سنه هیئت جلیله نك لایموت
بر یادکار تاریخیسی عدادینه ادخال ایدلمسی بوتون دائره
اتجاییم خلقنک استعطافات واقعه سی جمله سنندیر.
بوسیلله مواد آتیه نك قبول قانونیتی عرض و تکلیف
ایلرم.

ماده ۱ — ملاطیبه ده مؤسس و محل قیود خاقایسنجه
جمعیت نامنه مقید اتحاد قلوبی مکتب اتحاد ایدلمک اوزره
ملاطیبه معارف اداره سنه ترك ایدلمشدر.

ماده ۲ — اشبو قانونک اجراسنه داخلیه و مالیه

وکیللری مأموردر. ()
ماده ۳ — اشبو قانون تاریخ نشرندن معتبردر.
ملاطیبه مبعوثی
لطفی

رئیس — افندم! وقت کچدی. نه سویلنسه ینه
بو قانون لایحه انجمنه کیده جکدر. آرقداشلردن هرکیم
ایسترسه ایسته دکلری کچی مدافعه ایتک اوزره برای
مذاکره بورایه کلدیکنده سویلر لر. حق کلاملری
محفوظدر.

افندم! بو کونکی مذاکره من کافیدر. یارین اوکله دن
صکره ساعت بر بچقده اجتماع ایتک اوزره جلسه یی تعطیل
ایدیورم.

ختم مذاکرات
دقیقه ساعت
۴۰

اجتماع آلی روزنامه سی

لوايح و تکالیف قانونیه

اعشار حصه امانه سی و کسورات منضمه حقیقه هیئت و کیله دن
مورود لایحه قانونیه

قسطمونی مبعوثی سعاد بک روسیه دن کلجک چوجقور
ایچون ویرکو اخذینه دائر تکلیف قانونیسی

سؤال

ایزیت مبعوثی سری بک ایتالیا لارک تخلیه ایتدیگی برلره
دائر خارجییه و کانتندن سؤال تقریری
انتخابات

اقتصاد و کیلی انتخابی

مأمورین محاکمات هیئت ایچون انتخاب
مذاکره ایدیلجه نك مواد

وؤجلیت عسکریه و برکوسی

حرب قازانجیلری قوه ییمونی